

雪虛聲堂詩鈔

同治甲戌夏五月始識楊君儀邨於都門余時年二十三君長余三歲見其言論丰采爲傾倒者久之既又讀其爲尋管香丈題齊罇詩縱橫恣肆如壁上諸侯觀項王破章邯鉅鹿下叱咤啞啞不可仰視乃知其雄於詩然猶未闢其全也厥後余以知縣赴豫需次不見者五六年其間余兩遭大故讀禮家居值吾晉纂修通志余與君先後膺聘來局以文史相切礪余所藏弄金石文字君一一以韵語跋尾因得盡讀其舊製蓋至是始有以論君之詩矣余嘗竊謂我朝之詩教極盛卽以吾鄉論午亭相國連洋徵君外無慮數十百家然講王孟者或失於孱弱倣溫李者或病在纖縵矜才尙氣者恆高自標格於杜韓之間其弊也外枵然而中無物而矯之者又襲乾嘉後談性靈者之唾餘黜格律廢學殖佻巧橫生而詩乃大壞君少具宿慧負奇氣復汎濫子史自漢魏六

朝暨唐宋名家無不入其室而闢其奧故其發而爲詩運筆於尺楮之間寄想在九垓之表對客揮毫不名一格英鷲樸厚而出以和平卽偶作豔體亦猶是美人香草之遺是實能一空依傍而兼有諸家之長者君顧歆然不自憙隨手零落錄存者才寸餘若將終祕諸篋衍不出者王顧齋師楊秋湄先生並勸鋟木以代鈔胥余亦敦迫再四乃始付梓署曰雪虛聲堂詩集是集出吾鄉從事於詩者其將人手一編以奉爲津梁也必矣雖然余前與君契闊久獲聚處年餘知君乃日深今又將赴豫與君別益自憾業不加修自茲以往欲求得如君者與之友未可卜也意惘然殊不樂乃愈厚有望於君君以考據名家是集也故出其緒餘而爲之者也出緒餘而爲之已足一空依傍而兼諸家之長矣他若天筭之精地望之确形聲訓詁之數君故積有箸述其益輯而成之

出以問世庶將與潛邱

生太原
若穀
先生

確軒

生介休
縣
先生

古愚

生陽城
縣
先生

翼聖

生垣曲
縣
先生

半塘父子

及安邑
先生
先生

諸老宿

並峙不朽而豈徒與前輩

詩人斤斤然較短長於字句間哉若夫讀是集者目未覩其他簪或竟
謂是遂足以闕其全也有識者當自辨之光緒七年太歲在辛巳長至
後五日安邑武育元伯申甫

童心小草序

將欲發響神皋振平林之落葉迴瀾靈壑涵衆派之支流聲屏嚼呖乃
寂羣竅量宏吐納斯聳巨觀是必博通古今包函雅故珠囊列籍犀鏡
羣言抗揭漢魏之間結想周秦之上辛觚癸鼎都任摩挲蝨腦蠅肝儘
歸淘汰送抱于周情孔思擷腴于宋豔班香託嵇志之遙深標阮旨之
清峻譬諸精耀良冶六合大以鑑錘火盎僊丹九轉深其鼓鑄庶幾選
樓獨步雅奏應聲成一隊之雄師樹九門之通軌誰與嗣音實難作者
吾鄉楊君儀邨比部殆其人乎嘗檢篋中出示舊作始自成童亦越弱
冠揀百許首剩六千言大都據寫性靈本源倫紀無鑿鑿俗狀合風雅
遺規班管綴花代文通飾筆古蘂香溢爲長吉存詩論者比之楊柳方
春便饒姿態芙蕖初日儘得丰神謂非秀孕仙才福分慧業其能含宮

振羽能事聿肇孩提翔玉鏘金出言輒驚長老哉然而游倦龍門史才
益肆年來開府文律更成儀村歷官京曹交遍海內磊落之氣旣動於
遠游錫石之功復精其磨琢三墳五典之義天蓋地輿之學旁及窺覈
測綫繪素鐫文靡不睥睨百家開拓兩界故時出意解滙爲文章躊躇
者避席礪礪者卻步如遊五都中有寶氣如合羣樂獨聽韶鳴洵足以
徧酌衡尊咸得鑿心之契別開蹊徑皆歸展齒所窮是編者則又全豹
之一斑崑岡之片玉也河東古稱帝都代有賢者太行左轉黃河西來
鬱鬱深深蒼蒼莽莽奇氣所蟠鍾靈益信又况涑水舊居溫公著史之
才湯山石室景純讀書之所希軌前哲其在茲乎把臂時賢方斯蔑矣
時君主講首郡謀付手民署曰童心小草意歸紀實辭取鳴謙余旣服
槃才尤欽績學不辭譴陋謹綴序言語不驚人愧我寒竽失鑿射能通

聖羨君嗚矢先鳴時光緒壬午七月既望曲沃蘇晉康侯甫序於并門
志局之寄螺室

白雲司藥序

涑水之曲景山之陰有石室焉世傳郭景純讀書處也余嘗再至聞喜過郭村求其遺書不得久之而得交吾友儀村比部儀村於經通小學於史長地理又精秬算旁及繪事詩則淵源魏晉泛濫百家蓋生景純之鄉而能爲其學者也余每謂近代經生爲詩恆患意滯於物詞蹇於韻而才人逸足奔放又華而不實往往流於淺薄爲通儒鄙棄雖班楊孔鄭造詣各別要不可謂非限於才也儀村少負神童譽自髫髻洎通籍所爲詩不下千餘篇巧緝而謝雕鏤奇崛而出以婉逸實祛經生之弊脫才人之習而兼擅其長者白雲司藥一卷皆其官京朝時所作其中投贈之什半及於余余性懶又苦才盡恆置不報儀村亦不自顧惜脫藁後輒棄去余嘗謂之曰君學如景純多能亦復似景純集十七卷

與所注三蒼水經易詩諸說久佚無傳昭明選詩止錄遊仙之作世亦第傳其鬼眼狐首諸書盡舉神異怪誕之說歸之經學且爲所掩又烏知其以詩雄一代哉君之齒未也名山箸述固將有待盍先集所爲韵語及時刊布爲注蟲魚非磊落人一解嘲乎儀村不謬余言始稍稍存藥暇輒疏記舊作雖遺忘過半而就所存者論之已足問世况爲之不已且有進於此乎抑余猶有爲君告者君篤好算術舊製鋪地錦籌馬方思箸說以闡其用而鄞周氏之中西算學輯要今歲新刻於滬上其中籌式後出乃與君闇合君遂不欲卒其業昨王願齋丈聞君製天尺地球亦笑曰異時人恐復以京房管輅目儀村儀村將與景純並受神仙之誣矣時余同在坐亦勸君窮經治樸學勿再馳思高遠滋後人疑也詩又其末焉者矣仍并諸簡端以告儀村並以告世之讀儀村詩者

鄉寧楊篤虬廩父序於太原志局

并垣皋比集序

溫柔敦厚詩教也而陸士衡乃更爲緣情綺靡之說前輩鄙爲六朝之習言吾友楊儀村比部獨曰是於六朝爲習言於近世則藥言也近世之稱詩者往往儉腹固陋而齟於速成旣揣難登昔賢之堂遂遁而援性靈以自解不難取鮑謝徐庾概薄爲綺靡之音而唐初四子勿論矣下至張王溫李宋之楊劉元之天錫廉夫明初之季迪孟端以暨國朝駿公貽上錫鬯天章諸公胥指爲綺靡而弗視矣此詩之所以日趨於佻薄也夫綺論其藻靡論其聲藻恐其苦窳而聲懼其嚙殺也則綺靡眞急務也彼之詆而不爲豈真有以勝之哉特欲爲儉陋解嘲耳不學之過也學不厚則情不能深而風韻色澤胥有所不足是雖欲綺靡而不能不能而反詆之誠何心矣使其人不甘文過積其學以培其情鑄

調於樂府而儲材於選樓知所謂綺靡者本乎情之不容已音節可歌
風景可繪而文采不可掩也則雖士衡之措語如或小失猶將視爲性
靈之補劑足醫吾固陋而當吾師資矣故曰近世之藥言也余聆其論
鼓掌稱快旣乃得盡觀其所作婉麗纏綿神味獨絕間出悲壯之音清
遠之格而壯不流於蠹莽清不鄰於脆弱則微會於綺靡之悵而終底
於溫柔敦厚之歸不啻借徑而造極也以視夫空談性靈之末流蓋個
乎遠矣比錄其近作將刊爲并垣舉比集而屬序於余余本固陋敢辱
君詩然鄉所承教於君者與君詩若合符節應卽以君言序君詩而救
弊之悵亦以著至所謂舉比者君時主講太原之崇修書院講經辨史
步天考地之暇復欲以風雅爲諸生倡故以名其集云時光緒壬午春
王月人日曲沃仇汝嘉楹侯甫序

雪虛聲堂詩鈔目錄

卷一 童心小草

初應童試以默經能賦入學學使江夏彭子嘉師賜手書觀世音

經因題後

論婚

凍脚

壬戌元日

赴省試過韓侯嶺謁廟時甫念史記

親迎雜詩

田間作四首

聞邑竹枝詞

表兄翟海田師歲貢就職族人感

其經理祠堂之無私也製屏以贈屬作題句

妻兄李兩艇茂才屬題尊甫明軒外舅遺像集唐人句成轉韵體

赴都留呈海田師

赴都留題齋壁

烈女趙二姑詩

京師寄表兄翟海田師

懷舊詩

先伯祖博如公

先從伯父丕承公

先從伯父明章公

明經翟海田師

許逸卿上舍

周康侯大令

妻兄李雨亭司訓

徐芮南大令

侍講林錫三詩

題劉景韓師像

讀華陀傳

座師曹朗川夫子命畫馬因賸以詩

三月晦日送劉小渠比部旋里

贈常小軒

落第

下第次日送衛莊游游天津 送周康侯西歸

熱河贈劉秀書司馬

送許桂一孝廉

送杜英三拔貢

近聞房師陶公商巖卒安邑任所

不審旅櫬何似其幕友夏淵如亦久不見消息

次韵沈雲巢方伯重宴庚午鹿鳴紀恩之作四首錄三

送家春樵孝廉歸里

贈賈小芸

生日至趙州橋次壁間韵

湯陰夜過未能瞻禮岳祠用店壁

韵書意

雪夜寄劉選之猗氏

寄訊山陰陸子善出都兼以寬之

九日有作奉送曹朗川太史師出守南康兼呈吉三太史師叔

朗川師將赴南康任以詩留別次韵二首

朗川師命畫扇一面書前九日奉送之作以當別念畫成又系小

詩

熱河留別金元直西歸

齊縛詩爲尋管香給諫作

再爲管香給諫題齊縛拓本

歲寒三友詩

爲外祖母孫太孺人撰書事一篇

撰畢悽然賦此

里門外有郭景純碑因題長句

謁裴趙二公祠

卷二 白雲司藥

刑曹初直四首

贈家秋湄孝廉兄

東柴賦嘉茂才

刑曹直宿讀秋湄詩及所撰西寧志輒題四首

題柴子芳明經雜臨諸帖卷子八首

戲東賈小芸員外四首

滿洲同年常小軒屯田今總憲阜

蔭坊先生猶子也總憲新遇喪明之痛小軒又將假歸熱河祖

席口號三首送之實以留之云

和賈小芸寓齋卽目原韵

墨牡丹障子爲王槐堂孝廉題

自題所作畫

送喬翰卿大令游天津就幕南皮

八首錄三

虞部劉小山大兄見問詩法酒次

成轉韻體答之

明末吾邑上邱村趙加爵字璘玉

與弟加品乞食養病母母歿廬墓三年每飯必哭奠焉一時無
識不識咸稱曰孝子趙四郎初父工醫術至是四郎嗣業益精
泊闔氛日逼逃山中衆謂孝子所止必有神守護故隨之者常
數百千人四郎獨部署飲食之卒不遇寇康熙中同里朱小晉
司農與家少宰起齋公合詞奏於朝乃得以巡檢官遯東孝子
之名大噪天下矣崔子高學使居與比隣爲作傳徐臥雲山人

撫其事蹟繪爲圖凡七番國初諸老題詠者冊厚蓋尺餘矣光緒初元其元孫翔鳳仲翹官中書出冊重裝池之余爲徵海內名宿詩亦甚夥與原冊埒厚仲翹仍丐余作乃逐七司各系以詩詩亦無定格期於達意而已

負米謠

哺飯歌

挽車吟

守窠詞

蒿廬哀

藥肆銘

舉孝詩

自題所作畫三首

湖南宜章宋衡少好劍術里有邪教講堂不逞之徒聚焉或以藥術迷里中兒取兒睛衡怒糾里人毀其堂互有殲者教徒賄官名捕衡衡亡至黔中又念老母弱妹恐陷獄乃陰歸省而捕者

數百園其宅衡孤劍轉闕出威勇關卒無敢逼者事既解繪仗劍入關出關二圖志其痛其同邑吳醉琴農部與余善代爲索題乃各系以詩

贈家秋湄學博大兄八首錄四

題黃太守采芝圖八首錄四 中秋對月有懷楊大篤蔚州喬八

駿保安州 和陳小農計部秋晚元韵

和許韵堂同年秋懷元韵二首

無題 出塞行

寄秋湄蔚州志局二首 送許韵堂南歸二首

鞠歌行四首 灤陽懷人詩十五首

自題所作畫 題畫

除夕感懷四首

春暮得秋湄太原書卻寄

和陳小農海淀二首元韵

再和陳小農海淀元韵

陳小農三索和海淀元韵

送梁曦初侍御出守興化二首

祁子禾侍郎招祀顧亭林先生因囑繪顧祠雅集圖慨然有作

下第綺感八首

邊拙存兄見示秋雨夜話之作次

韵書懷

再疊前韵送令弟竹潭同年改官

浙巖

有懷雨夜

懷舊

題常小軒庶常所藏歐陽九成宮

醴泉銘

外姑李母杜太孺人壽詩

卷三 并垣皋比集

題馮魯川廉訪所藏米芾燕湖縣學記爲武養齋大令作

題成哲親王雜臨諸帖七首爲養齋大令作

題英煦齋相國所刻劉文清帖爲養齋大令作

壽王遐舉先生

外姑杜太孺人三周禪祭令嗣製

屏索詩擬垂家範內子亦寄書代乞因案來狀件繫之得截句
十四首

母舅劉公訃至云臨終哭念余也

泣作

哭衛莊游學博

擬何大復明月篇

題吳道子畫佛像幀

前題乃王鼎丞觀察課試之題聞意主論畫再擬示諸生

衛靜瀾中丞課試晉陽書院有晉中景物四題擬示諸生各二首

三門激浪

五臺連雲

冽石寒泉

蕊羅春色

題馮習三廣文詩集令息佩芸夫人婉琳屬題也四首

武養齋借得宋楊婁壽碑雙鉤見示因題四首

養齋因余詩故盡撫祥瑞及畫像爲跋長句

擬杜秋興五首

景龍觀鐘銘歌爲養齋大令作

題歐陽詢虞恭公碑爲毛寔生學博作

遊恆山詩

倣元遺山論詩絕句五十首

童心小草

戊戌次申詩至本甲

雪虛聲堂詩鈔卷一

聞喜 楊深秀漪春甫

初應童試以默經能賦入學學使江夏彭子嘉師賜手書觀世

音經因題後

二時歲十

蠶眠細字妙花簪手寫高王觀世音我似善才童子否旃檀一瓣答婆心

論婚

歲十三

孤兒依伯叔取次與論婚土物儀殊潔冰人語亦溫俗同宜近里名著屬高門僅覺私衷慰終憐隻影存

前問名王氏未成賦詩有生子當如李亞娶妻豈必齊姜句通幅遺忘不錄

凍腳

餓腸莫與飯與飯亦須稀
凍腳莫向火向火亦須微
所以求治人貴示善者機

壬戌元旦

歲十四

往歲頒新朔春回慶改元
飛龍仍上哲封豕敢中原
粟麥今朝卜衣冠古意存
太平真氣象大抵在山村

赴省試過韓侯嶺謁廟時甫念史記

寄食既不終南昌一亭長
推食仍不終泗上一亭長
食人死事縱自期無那二
人各有妻亭長妻存漂母
死傷哉國士困牝雞

親迎雜詩

癸亥三月十四日

果然練得此良辰
杏雨梨雲色色新
夾路桃花何預汝
紅攤步障遲香

輪

鋪步
離障子

散花手重恐難勝吉語同祈五穀登疑是今朝天雨粟誰知紅豆撒三

升

殿五

官窰瓷式兩相同腹插花枝耳掛紅侍者雙雙齊抱入日躔應值寶瓶

宮

瓶寶

兩束黃禾簇簇新侍兒提掇總隨身聊將刈楚迎之子敢道純茅况玉

人

把草

帖子題詞小閣春斜鋪拜毯待新人無須喜字環三六只畫梅花譜喜

神

拜喜

豈是雙行賦錦纏赤繩繫足綵披肩剛從帳裏徐徐曳齊唱姻緣一綫

牽

紅

交斟綠醕溢陶匏斜背銀鐙解粉包洗手羹湯何處進傷心不忍噉嘉

穀交合
杯盤
酒名

鐙前乍見解鈴人手贈紅囊白氎巾自笑平生無長物酬君約指一鉤

銀贈解
指解
銀鈴

田間作四首有序

八九齡日大伯父恆令同子特兄芟草習勤唱儲王句若農歌焉頃
弟輩者無復以親穡爲事矣穀雨下輒率往田間種豆爲憶昔况一
泫然也

一癡一醒童子半讀半耕秀才記得飯牛刈草茸茸苜蓿花開
便有濠濮間想自云幾皇上人不妨日涉成趣但覺掇皮皆眞
田中穩跨烏犍山外時聞杜鵑一帶蒼煙如疊半規紅日猶圓

楊柳隄邊孤墩桃花潭上閒田吾家舊業如此世上浮名淡然入沙流槎之水

此交亦有直潭大港十家田畝即在

聞邑竹枝詞 七乙 章丑 作十

春雞絢彩鬧蛾華幾度鐙前手剪紗明日迎春郎去否新成一串水荳

花則俗闕於昂運春仙日人雜雜對彩綢絲風作虎豔鹿及背水結花銀簪脫帽毛上知游雲氣投日之間河蟻流蟄婦逸入

乃元已宵

新正十六好遊城燕瘦環肥取次評爆竹斜飛裙底過金蓮瓣瓣火中

生元宵宵不避日人遊人治皆少入年城或穿然街炮然響暗是猶曰色遊下城以婦戲女之聲隨列俗也門然前大觀家放

之無

百花生日闌新妝拈取旃檀一瓣香喜得頭生兒子好與君同謝石娘

娘之倩曰早石邑縣東縣十里以溪中嵐土五坡日霞出皆一火之像期若婦好人女往土舖入子立廟此祀

漫愁窄窄小弓韉也上城南八里坡但到香山休乞子此山兒子博徒

多晉晉公山在城南也即上唐有盧八里所故故池

綠陰翳鬱隱兒家肯放牆頭露杏花伴我當依楸妳妳嚙人莫惹柳哇

哇柳花上食有起日大者如中絲皆豆蚊咬之俗名有柳哇哇甘香小兒有食之則呼曰爲楸妳妳

野外游民懶灌澆廚中拙婦厭烹調山田半畝商量種女曰蔓菁士曰

蕎蕎麥可食種女節子得無刀男子烹無之勤勞破白時苦已憂作蕎

白土河邊杏子黃紫金山下麥花香今年四月風光好七社輪番賽稷

王每后歲以教駭村地名王例山於本邑四月十境七社日爲廟種凡七社年邑屬仍舊有白土河

山在城北東金

董湖西畔是儂家豔似紅蓮敢自誇不願爲花願爲藕願郎憐藕莫貪

花十湖即村修田湖澤村在邑東四

霜紅柿子滿筠籃蒸酒成花曬餅甜妾自別郎醒亦醉郎如念妾苦皆

甘對色花北飲取多東柿盛酒花清酒其曬上作者神寓鮮食中之甘影如酒起也是日

華簞精工蒜瓣勻鐙前共作約村鄰休令女子偷看見教女何殊教外

人數見東飲婦不數五女堪恐女華嫁處他處為難其福源之技

警省清晨玉案鐘鐘樓近日忽泥封何人閉絕噲吟響天鼠空傳治耳

聲每邑三聚門以續節上更有巨紙封金閉時樓玉案不寺物何也費

交杯飲罷甫團圓何處曾締一面緣往歲郎看臺閣否兒身扮作牡丹

仙西俗人娶社以日遊街好名女子臨門有杆上扮小調說實壯劇升續故事

翠繞珠圍助結襦靚妝同醉壻家后旁人只道家門盛那曉虛姑與假

姨六俗七遊嫁名往之數十是得人姑且姑女婿居十之

泥金新印秀才銜畢竟郎君才不凡昨日聞娘親口道今朝來與送欄

衫作尺 關姑 衫入 以學 於寒 遊家 之為

千花繡服蝶衣香百葉裁裙鴛帶長贏得周身穿著好一生魂夢繞瞿

唐書邑 夫多 婦服 一買 生獨 不中 數者 數以 謂道 也 然故 衣五 年始 多一 舉歸

表兄翟海田師歲貢就職族人感其經理祠堂之無私也製屏

以贈屬作題句

平生大布黠無華黼藻初資處士家繡服當心鵝火麗未妨君實也簪

花用蘇 軾買 錦就 補收 服例

函丈清嚴得未曾一生書味問寒鐙夢魂終少全身熱冷絕頭銜一道

冰

歲欠桑盛託薦饑君來斗覺祭田肥無他謬巧催租法龍伯廉公自有

威

共羨通經冠十科胡然賀客總無多可知家法傳廷尉世世門堪設雀羅

中丞裴方伯裴並光榮榮及麻城裴并太平桓一瓣心香三爵酒文孫

承詔舉經明

卅載談經精舍開多文真箇勝多財家書何用貽王粲公子新聞舉茂才

妻兄李雨艇茂才屬題尊甫明軒外舅遺像集唐人句成轉韵體

家占中條第一峰王藹然林下昔賢風陸得從岳叟誠堪重李

呼今古悠悠不再逢文暫驚風燭難留世伯想到病身渾不識杜

李眼不浮花耳不喧杜早貂擁出花當背唐夏臘高來雪印眉杜

光添銀燭見朝衣貌堪良匠抽豪寫何似先教畫取歸千方如今

說著猶堪泣長愧昔年招我入振碧融青瑞色新挂君高堂

之素壁一時驚喜見風儀點筆操紙為君題憶事懷人兼得

句縱然相見只相悲相逢但說新正壽相留且待雞黍熟

八日須為當時一愴懷指似旁人因痛哭六十

衰翁兒女悲嵩陽松雪有心期不知家道能多少今日

河南勝昔時七里灘西片月新勸

農原本是耕人即今惟見青松在冥漠重泉哭不聞昔

常在色斗酒十千恣歡謔黃金用盡還疎索我

聞此語心骨悲今日偶題題似著在生

惟求多子孫閒夜分明結夢魂共羨府中棠棣好和

風遲日在蘭蓀

蘭蓀 蘭蓀

北龍馬精神海鶴姿

北

行義惟愁被衆知

借

問路旁名利客

遊

爭名爭利徒爾爲

王

詩

赴都留呈海田師

師真知我者師事我尤知身老文章慰家貧禮義支廿年深雨化千里
入秋思朔雪龍沙夜難忘侍立時

赴都留題齋壁

一曲驪駒千里馳衷懷料亦少人知山中小草云宜出階下名花號可
離弱冠終童空壯往遠游屈子本艱危瘦男無送伶仃去尙念家園發
五噫

烈女趙二姑詩

序

二姑榆次農家女生十四年矣灼灼有豔態強鄰窺之久女小無猜

竟罹暴橫事破到官官受賂並蠟汚其母二姑膺腆之餘忽奮然曰
亦至此乎吾何愛一死明母耶死無知斯已耳若猶有知厲鬼亦人
所爲者袖小羅刀遂血濺堂上數年矣京師御史始聞而奏之淫人
伏法貞女得旌墓前碑蓋顧南雅之詞云四首

榆次二十里有碑大隄上烈女趙二姑遺骸此中葬生小人如玉雙眉
隨意綠雛鳳自飛飛却被鴿鷓辱偏斜到纖履身僵心不死滌汚並流
香十里洞渦水古有女郎山今有女郎墓草有好女花木有女貞樹

京師寄表兄翟海田師

娟娟皓月見春城遙憶先生坐月明繞屋樹深添茗色開簾花顫聽書
聲風狂廿四身無恙路阻三千字有情壯志未衰矜未去旁人錯道爲

功名

懷舊詩

停雲凝樹積雪皓墀此夜懷人能無惆悵死者已矣歎宿草之黏天
別去黯然憐垂楊之踈地每下西州之淚爲念南皮之游永夕呻吟
萬感空集嗚乎謝康樂述德之什况出恨人阮元瑜思舊之銘都爲
知己可能寄諸地下尙欲問之天涯方習試帖未免俳體雖無詮次
正有深情

先伯祖博如公

公公同

鹽罷薔薇露遺容捧德馨先生親贊柳彼美合思苓

公公同
小同有

少日飢

謀祿中年憤誦經五常眉首白

公公同
兄弟五

小阮眼承青詞韵歌殘月

公公同
宋有同游踪感客星友于姜氏被愼爾富公瓶百載庭槐植三秋墓草

零貽孫空有穀何日負螟蛉

先從伯父丕承公

公諱
四

世本農家子窮經四十年陽剛真學問陰德老因緣
茲榜知誰捷花樓

與弟眠不侯非戰罪乃聖已名傳

人公至有
吾厚邑德
陶源料事
家如為神
既縣雖里
婦務區為
皆

知為吾家論之以為公六撲我塵三斗推人麥一船

公道光
則舍以午
顯邑大
風

耕餘詩畫地病閒史談天蘭玉空聞茁藝牀痛見穿龍蛇嗟往歲月已

百回圓

先從伯父明章公

公諱
樂姑

平生知己淚第一灑家庭適口銅盤食低頭玉屑聽當年
初齒毀鎖日

已心監伯道中途泣康侯後閣扁兒癡譽有癖弟死痛無靈
杏繞求醫

路蕉園問字亭上殤憐穉子晚節枉添丁子子倉公女淒涼出小星

明經翟海田師

名通
里人

夫子何爲者年來鬢欲絲先人真宅相後學大經師似舅稱多識求郎
惜少賞書橫翁子擔布補仲舒帷鴉觜同兄作豚蹄有母遺高才驚哲
匠大師見賞以解學使詩百公厚德付佳兒身老文章慰家貧禮義支昔曾題
此句至竟確難移

許逸卿上舍

名廣人才

大隱無泉石儒冠入市游萬花嚴卜肆一葉范扁舟自服車牛賈詎思
繪狗侯畫山巫峽兩飲水上池秋品望陳驚座聲名趙倚樓結交輕富
貴論古破窮愁武庫千人服文林百代收以有買於市得錢除供母外並
來曰家爲買書多人所收見本處也平生雖強項低首拜風流

周康侯大令

名賢

周郎天下士顙額在京華三北神仍王雙南價久奢自蒙青眼對甚感

赤心加醉聚春恆駐談深日易斜春居驄使宅劍哭狗屠家人海餘容

滕文壇少拾牙芙蓉無賴月楊柳莫愁花

唐詩有古今宮殿百官皆實可結

以一開生也十字須千古荒寒問暮鴉

妻兄李兩亭司訓

名潤人之

自挾方嚴氣亭亭壁立端閑邪蓬矢直醫熱蔗漿寒亦具中人產常留
大帛冠父書佳日理昆玉盛年歡論出千言切吟成五字安家肥思豹
澤身苦答熊丸須望芙蓉鏡胡求苜蓿盤長材憐短馭爭忍付閒官

徐芮南大令

邑名林朝

嶽色河聲裏斯人有故關尊師知學遠

唐詩為子龍中區高生足愛客賴官

閒挈簪囊羞澀耽書帖膩顏似彈長劍缺未唱大刀環往歲槐花踏清
秋桂子攀識韓驚異數說項傲同班今日知何處斜陽隱遠山西方思

彼美引領碧雲間

侍講林錫三師

號名天

當代文章伯遙瞻在九天早科森玉筍夜語撒金蓮永叔持衡日蘭成
射策年紅殊橫卷帛青選入囊錢年同治十七以實錄一書人食實中錄余侍宴常三
爵趨朝敢入甄食蒿邪必卻諫草祕無傳福地張華博高門□□賢望
洋人自歎閩海浩春煙

題劉景韓師像

仰師名

蚤歲便餘冷峭風不因人熱似梁鴻圖中今作羔裘煥如此傳神恐未
工

青鐙如豆雪初晴夜作蠅頭老眼明案上一編農器譜剛逢春及恰鈔
成

漢寢常哀麥飯空族墳今置祭田豐年年芳草清明節酒絮香花總是功

處處皋比講少儀經師爭合比人師先生別有通經處楮野無言備四時

讀華陀傳

稻糠黃犬術何如漆葉青黏世有諸燒絕囊書羣歎息問誰真解五禽圖

座師曹朗川夫子命畫馬因賸以詩

往日鹽車下誰曾拔爾身耳批雙竹直繫散五花勻澡浴常宜水騰驤不動塵休言千里志鳴處便驚人

三月晦日送劉小渠比部旋里

軟風吹綠燕南草雨過御溝新柳裏三載秋曹鄉夢深人歸欲趁春歸
早春歸天末俟來春人歸汾上有故人未審回頭薊門樹尙能念我天
街塵我今卻憶髫齡日試院同揮呵凍筆彈指十年冉冉過談心一夕
匆匆畢豐臺芍藥金帶圍欲贈翻嫌號可離祇應拂拭桃花紙爲君一
賦送春詩

贈常小軒

公子終筵愛客誠論交坐滿魯諸生同人自醉周公瑾俗物誰撓阮步
兵日暮窺書星夜下春深搦管雪時晴高科正是君家事努力前賢身
後名

落第

鵲噪鐙花夜夜同可憐頭腦尙多烘非關月且評無準終是陰符練未

雪虛聲堂詩鈔

工末路桑榆在何日比鄰桃李獨春風
二千里外深閨月猶盼泥金一紙紅

下第次日送衛莊游游天津

風氣新成繞指柔問君能否曲如鉤
幾人漂落黃霽雨有客思觀碧海流
垂柳千條春夏別扶桑一望古今浮
雞蟲得失須臾事大鳥從他笑鷺鳩

送周康侯西歸

禪榻春風白髮侵朝來忽地動歸心
三年衫色傷塵浣一路鈴聲趁雨淋
人類文園餘壁立家鄰汾水易秋深
平生正有名山業莫爲窮愁擲寸陰

熱河贈劉秀書司馬

劉君才大何槃槃別駕誠宜授士元絕塞春風好相識高齋霽雪夜不
寒剪刀麪香蜚醬美泥我屏間寫山水投刺便迎僮僕忙揮豪雖拙主
人喜當日家貧乏立錐成童已賦遠游詩關塞不譏仗劍者英雄亦有
捉刀時終年不借尙須借終日炙行誰識炙撒手憤游寶山中金銀氣
照鬚眉碧麥秋雲葉粲成苗

案時時與古共光陰以之爲大山見附錄

藥子藥古藥藥金有藥鼎丹爐燕自燒直是天財輸鬼役人間十萬已

纏腰何須馬磨徒辛苦何用牛車遠服賈喜換頭銜且稱觴敬持手版
來聽鼓鵲華山上草萋萋灼突泉邊柳未齊客裏終朝思寄鮮目中何
處著醺雞腰身豈爲督郵折臂血奚煩慈母齧杜宇聲中游宦歸山公
背上同官別東來荏苒五年餘兩鬢蕭蕭賦遂初只擬散財同馬援那
知竊藏遇頭須伊我與君同磨竭中人之產一朝竭祇今妙手號空空

徒剩雄心書咄咄風波雖復似同舟就裏事情迴不侔自得自失君何
恨肯構肯穫我則羞誓將投筆學耕牧縫掖何如短後服雀鼠壯難竊
盡倉牛羊多且量成谷謀生雖鄙免干人百口况猶倚此身豈以多財
求作宰願因修德共爲鄰

送許桂一孝廉

旗亭盡日共追攀送爾西風獨自還倘典征袍謀醉月中秋計已到中
山

送杜英三拔貢

驛亭黃葉落深秋下馬重看破鹿裘可有紅氍留裏背燕南十月雪花
稠

近聞房師陶公商巖卒安邑任所不審旅櫬何似其幕友夏淵

如先生亦久不見消息

終古惟留一面緣文章契合亦徒然
幾人死友憂身後三夜生魂恍眼
前靈几猶陳安邑棗歸舟不覩石
湖蓮布帆他日南中去瀨渚誰爲
指墓田

陶潛初仕彈冠出夏統曾聞賣藥來
淥水芙蓉方結契泰山梁木遽經
頽豬肝久受行廚供馬足應隨遺
櫬回獨有門生千里外隻雞絮酒
總銜哀

次韵沈雲巢方伯重宴庚午鹿鳴紀恩之作四首錄三

夾轂停觀滿道周老成終是邁時流
初心不負尋梧月晚節多香證菊
秋半壁東南方岳望一生前後曲江
游大臣曼壽皇情豫中使遙聞杖
賜鳩

福星灼灼照奎躔帝念耆英徵召聯蒞榜同升雲裏闕蒲輪暫舍海濱
田珠園佳士三千履瑟鼓嘉賓廿五絃惜抱雲崧當日事淵源一脈接

前賢

於姚 嘉興 廣德 廣德 午 縣北 州 先生 均

老竹孤枝嫩百竿龍鍾玉笋許同班使來綠野三徵尹士到青雲一識
韓榮世文章齊上壽老年德望耐高官題名直作朱書耳何待他時始
改觀

送家春樵孝廉歸里

獨鶴飛飛飲太和屢游燕趙無悲歌有時老子興不淺依舊深情喚奈
何歲云秋矣露華冷紅蓼白蘋香滿艇東海遙遙迂客途西風策策念
鄉井紫金山下草萋迷我亦山村舊隱栖玉楮三年成未得銅鞮十日
醉如泥醉中送客况爲客春明門外楊柳陌布帆空望顧凱船胡牀却

少桓伊笛行矣君子慎波濤問天莫便搔二毛到家猶及重陽日滿插茱萸好題糕

贈賈小芸

君同治丁卯十二月在署爲縣城垣所曲得縣令直王鈔強盜自還焚出甲品

戊戌歲月六日詩前事而

王郎作宰獨賢勞徑上東牀代捉刀冀北禮羅初到幕睢陽賊柵驟穿濠焚身藥替新磨劍濺血花留舊贈袍親在那堪隨友死不妨忠孝兩分曹

當日縋城擬省親常山遺髮尙隨身豺狼猶自紛圍邑魍魅公然喜得人豈有空拳冒白刃曾聞盛德感黃巾求生惡死原非怯每爲高堂禱鬼神

問君奚術得無傷尙記逃來堯母鄉何日朝天泣摩詰一時縮地走長

房民知長者椎牛享虜詫奇人奪馬亡痛定迴思當日痛生生死死總難忘

雲山絕北望河東尙憶英魂一炬紅城破身經銅馬虜路難音少紙寫通親看死節留傳信幸得生還撰表忠臘粥年年供忌日伯桃羊角兩英雄

生日至趙州橋次壁間韵

烏帽鶉衣駝褐裝長歌弔古入斜陽城痕疊壁披斑蘚橋影橫弓掛綠楊燕市經年仍獨返平原異代爲誰忙今朝趙北逢生日澆酒何須憶故鄉

湯陰夜過未能瞻禮岳祠用店壁韵書意

直抵黃龍奏凱歌金牌不受奈君何太行無限英雄骨化石猶然望渡

河

五國城中望眼枯
罪臣歸骨竟西湖
他年把臂于忠肅
羨爾功成始受誅

又見金陀撰粹編
忠臣孝子更孫賢
頗聞近有湯陰岳
殺馬不馱秦礪

泉

金相馬傳不棄大遼士公車乘至河陽陰之不為岳王其廟為驅於時問岳曰不贊秦氏則乎其乘岳則姓

行

雪夜寄劉選之猗氏

朔風吹雪花如掌
酒醒蕭齋中夜朗
倚窗八尺青琅玕
謾謾向人發琤
響擁衾起揜敝貂裘
長嘯寒甚卻登樓
西望山川都一色
故人何處心
悠悠記得前年跨駿馬
出門大笑游天下
三春桃李盛長安
楊柳風流
胡爲者洗耳聽鸛作鉞砭
自攜斗酒佐雙柑
素心數輩話人物
爲說令

狐劉孝廉孝廉文名雷灌耳目中落落無餘子本充駿骨到金臺翻共
狗屠飲燕市著屐卽時訪斯人幽居畢竟遠囂塵萬花叢裏興聖寺跌
坐藤蘿無主賓有時君來直入座據案呼倅今日餓冷淘麪成鮓醬香
看君甘於駝峰炙又或治游過銅街鞭絲帽影羣誹諧斗然正色規我
錯橄欖有味藥無乖未幾秋空書咄咄辭君飲馬長城窟聞君襦被卽
西歸依然高臥南齋月而今我亦返故關同在河汾百里間把棹欲尋
戴安道閉門想類袁君山高才定有聚星句逸興能無菟園賦期君映
雪類孫康熟讀舊書求無誤如能過我定何難禪房文酒追古歡不然
努力崇明德無事區區勸加餐

寄訊山陰陸子善出都兼以寬之

見說空迴偕計車都中往返意何如貲郎誰遣相如免米價無難白傳

居到處貧交天下士歸來富有枕中書五人捧檄爲親喜莫學溫生便絕裾

九日有作奉送曹朗川太史師出守南康兼呈吉三太史師叔
日下勾留豈異鄉歲華荏苒此重陽紫萸人祝明年健黃菊天開晚節
香秋懷對此良無已西去征鴻東去水北闕忽聞擇使君南轅遂復送
夫子夫子玉堂餘十年雙丁二陸儼星聯夜聽風雨同舒被曉入明光
共步甄今茲特授南康守阜蓋朱輜往江右長孺何嘗薄淮陽樂天深
喜臨廬阜綠漲宮亭遲布帆清懸石鏡鑒冰銜棲賢寺近先看竹直節
堂成合補杉南康府署於兵燹成墟六守借治於堂下曰新秋守節知此
館之直因名曰也作書偶到鵝池上鐵畫銀鉤筆力壯覓句或來鶴觀
中棋聲旛影吟懷暢似此皇恩寄一麾未妨奪去鳳凰池羊城接壤能

將父鹿洞放衙兼作師師道南矣疑孰質師資孰得我先失最難矜字
去三年敢說阿蒙變十日槐花往歲粲并垣夫子曾乘使者軒時月惟
偕黃叔度異才首拔王公孫庚午余以第三人也度爲主考即河津王君化
賤子文名殊錄錄幾曾累作三千牘何期薛卞一時遭視若青萍與
結緣爾日剛過重九來暫逢笑口當筵開蜨丸尙欲推絕頂虬戶誰知
暴兩顙於今屢閱登高節古道長亭偏賦別辭癭焦桐不勝吟經霜紅
柳那堪折送人作郡若爲心送者自崖思更深况乃一堂絲竹響今成
三疊渭城音我聞昔者楊中立伯叔程門皆所及未審先生編史餘可
容小子持經入代管三鱣豈異人速驅五馬慰斯民他時召相二千石
日日沙堤永坐春

朗川師將赴南康任以詩留別次韵二首

溫綸一下九重闈莫更東華踏輓塵郡國練才儲政府湖山循例付詞人窮檐有苦三時訪吏舍無權百務親記取來年聽報最下應如草澤如春

蚤歲高科賦北征菊谿蒲澗

詩竹諫西也

達蓬瀛雄州偶入三刀夢樂國行

添五袴聲江右學延朱子脈匡山詩見白公情講堂如故吟壇在牛耳同期來主盟

朗川師命畫扇一面書前九日奉送之作以當別念畫成又系小詩

綠玉扶身替五駒青鞋著脚抵雙鳬何當杖履追陪去畫取香爐瀑布圖

熱河留別金元直西歸

雪虛聲堂詩鈔

二月烏桓未識春
寒衣惜解遠游人
鄉心勝日閒中動
友誼天涯分外親
立志莫矜依淥水
懷才何憚踏緇塵
吾儕政有千秋業
努力加餐愛此身

塞花邊柳薊門東
乍入鄉心盡轉蓬
日下有聲來舊雨
月餘無福坐春風
銷魂漫賦文通句
遠志猶存伯約籠
記取明年京國聚
與君分折杏花紅

齊鈔詩爲尋管香給諫作

雕上后土祠
漢皇獲鼎所
金氣頽秋空
煊爛作伏虎
陰崖閼懷寶
陽侯盛齋怒
高浪掀天來
射岸叢萬弩
石罅閼然裂
縫出古鏞虜
伊誰窟室懸
乃有歌鐘拊
黃門鐘鼎家
昆季並嗜古
脫貫徑購歸
通夕手摩撫
綠繡剗薜斑
墨華捶麻楮
舉例先辨體
析疑自畫肚
微靄帶繁星
平嘒擢

桓黍涎跡盤蝸交鬪形瘦蛟舞旁行忽斜上中欒左右鼓齊字秀三禾
銘文園九乳齊景族鑄鐘鴻烈典堪數鐘大鑄乃小高陵注周語獨怪
此齊鐘何繇薶晉土葵邱會所懸崔氏賂所取我聞晉義熙霍山得鐘
五篆古識者希箝口盡齟齬嗟我河東郡法物茲焉聚卽欲考古文何
用尋岫嶠况乎古之樂懸鐘必成堵此罇既來歸應爲嘯匹侶鼎有蓋
底銘劍分雌雄股神物不獨見試更覓故處齊人有韶樂所鑄備律呂
上以考籀文下以佐杜舉太平既有徵逸經何難補

再爲管香給諫題齊罇拓本

齊罇齊罇乃出葵邱黃河所蓄之絕壑給事家居茂陵獲鼎處并得其
鬲與其鐸爲揭罇上文綠澀墨光錯首云五月吉丁亥中云齊師驪叔
作

鑄字乃宋秋李康在所鑄家上人徵世本遺字補說文略銘辭百七

十又二盤庚大誥同灝噩前時引晉中興書比之義熙得鐘在太極今再送數難聊試發一噓昔者韋曜鄭康成鐃鐘大小若相爭我云二者各自有大小物之冤雪人訟平獨怪王肅陳統輩強謂婦人尙柔不用鐃鐘聲如使女器同不邇邾婁燕姑孰爲銘况此大鐘用享祀胡然三著姜女名又怪杜預解春秋乃云齊桓會地在陳留果使茲役非晉地安得惶遽赴會之晉侯况自班固漢志來邾上久矣名葵邱今者齊鐃又出此益信西河攘翟有方舟數事皆足證經義瓊寶真欲勝天球無怪好事潘司寇千金購存攀古廬我聞北魏張恩發湯冢鐘磬盡向河中擲同出尻脰一片土茲遭拂拭彼沈溺又聞唐時宋沈精於音塔鈴車鐸盡能識廣平文孫知律呂倘見此者更不釋噫嘻賤子敢一言此器千金良不易古今出地第二鐘自宣和來難再得何不懸置汾陰后

土祠永與焦山周鼎張南北

歲寒三友詩

有序

甲戌冬閤夢嚴師消寒小集或醉寫松竹梅花隨俗名之歲寒三友
諸君皆有題句余不預會異日方命繼作忽值過密八音聲律不能

諸矣

時甲戌
臘月也

愁慘如讀北風篇茲寒不減堯崩年宮槐葉落生野煙誰者天生多節
堅君子幽貞美人妍大夫菱舍與周旋淚斑欲比湘浦漉縞素普將官
閣環支離莫逮攀龍髯冰天雪地同涵漣來歲東皇春改元鐵石心腸
貴任專拔擢青士植蒼官勿任一暴十日寒諸君樹立共勉旃千古
人從晚節觀老柏森森葛廟前勁節貞操試一攀嗚乎莫讓獨支半壁天
爲外祖母孫太孺人撰書事一篇撰畢悽然賦此

我昔遭閔凶七齡慘失母明年父見背生人樂何有共道癖書深偏思
逃塾走子子吾何歸茫茫喪家狗暫得依阿婆孤兒計誠苟借事幸來
勤託病希住久怖鴿近卽安放豚歸斯受維時外家衰生計劃膏畝老
人辨色興躬自任箕帚滌拭徧几榻安頓及盥缶我方起遲遲恃愛挽
襟肘褪衣搜蟻蝨解襪搓膩垢柏廬格言幘指字詳告誘懸知能理解
喜贊不容口旋聞歎息云吾今已中壽早晚閉雙睛難見爾成偶我有
約指環碧玉宜素手卽今以畀兒他日畀兒婦洎我十二齡游泮采芹
芽孺人垂淚言五婢爾知否中先母行第於五妹也夫妻有佳兒命短不勝守但
得兒有成是汝死不朽明年咸豐末太歲在辛酉老病臨春三厄數遇
陽九姻戚致贈襪鄰里斷杵白嚴霜摧樹藪高墳輓廣柳追惟平生訓
事事薪忠厚佩我必韋弦貽我况瓊玖爾時有癡念得第拖紫綬迎養

奉板輿介眉進觴酒庶持將母忱代爲祈壽耄豈知總空空徒爾呼負
負雖復一榜列遠在十年後掃墓果何知枉用薦春韭孺人賜玉環室
內偏粗醜孺人教家訓家事幾分割孺人期高第而我拙進取孺人勸
明德而我愧多咎經濟束高閣文章覆醬瓿縱使功名成金印大如斗
旣難答恩慈祇可炫賓友中夜起思惟存者餘吾舅大布縫春衣小麥
奉糧糗再拜告孺人可得一頷首

里門外有郭景純碑因題長句一

神仙安得謗經師智士忠臣獨任之偏王預陳天下統成仁甘赴日中
期陽明異代誠知己忠武同岑信可兒紫溫我愧先生鄉里客摩挲
石闕有餘思

謁裴趙二公祠

有序

唐裴文忠度宋趙忠簡鼎胥生吾邑鄉賢祠外別有兩公合祠間嘗披讀本傳一則曰臣誓不與賊俱生一則曰誓九死以不移迹其嚴毅剛正如出一塗此實難矣

天下安危際何人隻手扶一鄉名世藪兩代中興書恥發俱生處忠堅九死餘臣心同此誓幾輩尙全軀

白雲司藥

戊乙寅歲

雪虛聲堂詩鈔卷二



聞喜 楊深秀漪春甫

刑曹初直四首

隱囊團扇隻身孤
暗祝今朝箇事無
但得訟庭長寂寂
不妨秋色滿平蕪

印匣銅封澀綠斑
筆牀鉛黯蘸紅殷
放衙枯坐空廳裏
也抵浮生半日閒

食罷公然事不煩
轉因落寞怯黃昏
官廚淨肉官倉米
權當今朝鮫菜根

伍伯持刑面色藍
三曹抱冊目光眈
幾回開口翻無語
新婦遶堂問拊騶

贈家秋湄孝廉兄

儀徵太傅掌院日特爲國史剏儒林我朝經學超前古一一臚列無湮
沈有時致書何東洲謂補經籍賴吉金更端乃及張身齋碩舟碩儒折
服深阮文達與何子貞書碩舟舳舳晉男子箸述等身儼然死自後吾

鄉蓋多儒有兩魁儒近百里曲沃聞人曰衛一注經點史奮巨筆明眉
秀目飲十斛醖雞來前皆奴叱呂香美人蔚吾宗身如植鰭聲如鐘精
覈水地潛邱比博識金石亭林同少年束髮走代北宏州一志何處得
磨筭之山桑乾源千年文獻皆增色蘇軾詩前冬忽遇上計車出

門大笑走京國文章雖復解憎命斯人詎論通與塞五月不雨盛京塵
胡牀坐嘯若無人我時解衣槃礴羸風期暗與君子親讀君篆籀味君
詩卽此便當作吾師况爲善長糾不逮兼與尙功補未知經史紛綸寄

玉塵每聞一義爲起舞郎署無由窺中祕似此便欲勝稽古就令季野
自無言預決子雲有必傳更憶傳人號六福印在六福白福一索居遠隔
絳山煙噀散恆如此西去飛鴻東流水我今又欲出塞游奉手才
踰兩月耳何當秋老木蘭歸一騎款段隨君西執經問字規廿載爲開
蒙翳發天倪

東柴賦嘉茂才

東柴子芳明名

見說而翁壽且康平生篆草老清蒼何人換帖遺紅友得爾工書替墨
王漏屋無痕樨晉法磨崖有字仿秦章與君南望中條雨柏塔遙遙天
一方

刑曹直宿讀秋湄詩及所撰西寧志輒題四首

吏散雲司燭影寒攜君詩卷共盤桓短歌九首俱奇絕明遠休矜行路

難

不其城下老經師餘事猶稱婢解詩今日誦君裙屐句知君侍史亦如

斯趙中同寄王字履義相有對句云何生日

高柳安能潤柳城頻為善長訂遺經柳水在經代注云高山柳故臨代東郭出遠又落音高

雄西招之新柳城忠也於於是志歸中誤有以柳高五柳其即石州精撰延昌志見此猶當畏

後生北晉魏縣延昌石州先志生

俎豆宏州鄉社尊不教遺漏到金源編詩秀野功輸此拜謝猶來月夜

魂魏世齊王齊人讀詩公外皆不金得與於西陽事賢先之論祀如其入屏然山賢王嗣自齊有錢修五志

也始

題柴子芳明經雜臨諸帖卷子八首

某家書法費搜尋紙尾題明卽度鍼棗木初雕銀錠本明窗一日幾回

臨
帖臨

妙筆傳神得伯時圖來駙馬好山池西園雅集頻頻寫一瓣心香炷虎

兒
圖南 履歷 集米 圖南 記西

館築犁邱縑素香空聞鸚鵡屬漁洋石庵題識覃溪跋不讓南人拜墨

皇
始出 編帛 方問 綱書 二及 跋列

燕子紅箋小楷書狡童狎客總相於請君珍重松枝筆只寫真山莫寫

渠
山四 圖王 帖歸 鍾

小說荒唐二度梅開場尤合賑然哈
其出 開是 非出 云離 云丁 云初 甚宜 帝位 怪兒 高人

一紙莊書出竟似柴桑歸去來
既秀 開二 楊度 曲粉 小

人居晉鄙德餘薰古墨流香佐苾芬得志何須重裂詔正書批勅答吾

君
居君 柳白 谷署 即日 廣督 協之 城廬 故人 里董 也所

老癖臨池似此稀
麻牋斑管不停揮
初時得隨人知否
聖教胚胎定武肥

大字鋒芒不可鞘
趨庭猶晒小兒曹
從今莫論家雞事
公子翩翩有鳳毛

毛

工次書亦

戲柬賈小芸員外四首

屢索檳榔詫忽須
更堪攜客擾郇廚
知君故意邀吾輩
自顯羅敷夫婿殊

殊

小芸員外宅在午飯其母家掛

一弓搖曳兩絃吟
不藉鈴聲得雨淋

是日雨

寄語射洪陳正字
能文何事

破胡琴

王向鼎工部

莫問開頭與反脣
兩人同此詈申申
縱令人世均無恨
劉四誰云可罵

人

小芸員外宅在山陰

定子當筵撥恨聲燒槽玉手可憐生不緣金鳳銜花曲爭得詞人錄小

名

狀名陳喜
鳳翔

滿洲同年常小軒屯田今總憲阜陰坊先生猶子也總憲新遇
喪明之痛小軒又將假歸熱河祖席口號三首送之實以留
之云

中年謝傳近無歡玉樹生階差自寬爲告封胡休遠去
餐
基前屐後勸加

君家正有狄梁公只合寬心住藥籠未必當歸勝遠志勸君今日且從
容

詞人例合作屯田柳岸新詞柳七填我道哥哥行不得當筵代唱鷓鴣
天

和賈小芸寓齋卽目原韵

兀坐蕉窗綠浸裾
寓公應亦愛吾廬
導行旌節栽花處
倚讀瓶笙試茗
餘十笏
龕成詩界拓一
罍香好睡魔祛
何時許賃皋通
廡願爲鈔書代
小胥

墨牡丹障子爲王槐堂孝廉題

原題云仿新羅山人

名花豔冶擬環妃
幾見身披壞色衣
每笑山陰田水月
墨丸塗染美人
頤

如何便作解弢看
滴粉搓酥幾日殘
見說新羅工墨戲
風姿絕世效顰
難

自題所作畫

泉聲瀾瀾破平蕪
大好嵐光澹欲無
政有高人支脚坐
一窗松影讀陰

符

送喬翰卿大令游天津就幕南皮八首錄三

雨霽山光儼畫圖故人辭我賦驪駒輕舸滿載春明夢紅蓼香中到葛沽

東海揚帆大謝奇南皮較射五官宜歸來試解奚囊看定有鯨魚掣得時

少年便賦芙蓉鏡故里猶饒苜蓿盤怪底輕離安邑市天涯何處覓豬

肝

肝在
年即
掌安
教邑
木邑
邑人
前
衛
院附

虞部劉小山大兄見問詩法酒次成轉韵體答之

鷄裘貂帽水部郎遲我金尊琥珀光自踞胡牀誦小說精神不減東阿王燕都十月霜威冷美酒羊羔替茗蘿飲兼聽作雄談劍光霍霍逼

人醒却憶髫齡局試時一堂雪戰鬪英姿高峻 師贊 按十 四年 至冬 平學 陽使 天江 大夏 謝彭 子

人 疑幼 堂 試五 驟驚 杜牧 風流 句 又 時山 杜 英 三 級坐愛王戎簡要詞王河 鳳津

十 三 解 元 時君家兄弟號聯璧呵凍書成片玉策小 君 比 十 五 歲 今 弟賤子

齒穉最末行談笑賦成日未夕諸 君 時 中 十 二 歲 也 於才聲一日喧郡城夾穀

人看那得行吾輩小時俱盛氣祇能彼此一通名歸來十載不相見百

里而遙各異縣聞道諸君共一龍何甘自作不鳴雁今年同踏軟紅塵

面目依然肺腑親只此渾渾有雅致使應盡爾頭春為君畫作的虛

馬知是支公心愛者却更殷殷問作詩豈非摛抑多問寡嘗云此事有

元音勿論疾書與苦吟彈扣虛空成氣象銷融破碎得胸襟映發安能

泥處所蒼茫非必嘯儔侶鏗然天籟齊橫吹雋絕人寰漢樂府芳草生

池挹自然雜花發樹狀鮮妍清新不在添僧字穠郁豈因憶妓船果有

高懷餘遠眺脫喉便抵蘇門嘯若無奇氣寄長征吹角奚關邊塞調詩
教良須如是觀爲君計者定何難此中况乃極淵博讀史兼能讀稗官
古者多文便曰富非論鳴玉與衣繡何哉坐是掩文名里語徒稱財力
厚願君已博更貫穿囊中原足買書錢千金散盡來還易一往不留此
盛年噫嘻狂歌聊爾爾欽崎歷落君應喜酒闌不復著言辭冷月窺窗
吾醉矣

明末吾邑上邱村趙加爵字璘玉與弟加品乞食養病母母歿
廬墓三年每飯必哭奠焉一時無識不識咸稱曰孝子趙四
郎初父工醫術至是四郎嗣業益精泊闔氛日逼逃山中衆
謂孝子所止必有神守護故隨之者常數百千人四郎獨部
署飲食之卒不遇寇康熙中同里朱小晉司農與家少宰起

齊公合詞奏於朝乃得以巡檢官遼東孝子之名大噪天下
矣崔子高學使居與比鄰爲作傳徐臥雲山人撫其事蹟繪
爲圖凡七番國初諸老題詠者冊厚蓋尺餘矣光緒初元其
元孫翔鳳仲翹官中書出冊重裝池之余爲徵海內名宿詩
亦甚夥與原冊埒厚仲翹仍丐余作乃逐七圖各系以詩詩
亦無定格期於達意而已

負米謠

原弟一圖曰負米百里
日得升一斗必使負米百里
貼每孝子時行十餘里
耳

吁嗟復吁嗟阿孃在家劬田種麻麻子落滿地扶犁不任傷其臂吁嗟
阿孃孃臂傷父醫良父在蒲反或解梁日日得米一囊兒負回兒臂尙
強阿孃道兒扛不起但看階下兩黑蟻扛去一粒米比身大幾倍兒之
負米正如此阿孃煮飯兒飢矣今日負歸二百里明日再往二百里

哺飯歌

食原必從二第圖曰哺飯自七年口蓋孝之子凡七年應云每

母齒危母臂痿母喚荷荷知母飢棗糕豆粥烹露葵扶母倚牀跪進之
母思下咽苦伸脰羹飯蓬蓬氣饋餽口口嚼碎送入喉生兒豈嫌兒口
臭飢鼠窺壁雀噪檐垂涎半盞黃米泔捨汝殘瀋汝慢喫穴中老饕正
自饑我亦不向黃花洞爲母祈壽飯僧衆黃花洞梁時上諸公贊雨

挽車吟

子原將弟三營圖曰挽車有寬無食人衆乃道乞修錢中爲有母曰製母一飯車病兄對弟孝

則或遺或挽之巧車食近村母得食

咿啞聲來四椎輪雙條繩迹碾綠春阿弟力推阿兄挽牛衣嚴覆龍鍾
人柳陰踈地朝未歇麗旭朧朧射皓髮洮河水碧冷淘時沃國煙清寒
食節隱麟震耳集童媪糲團炊餅擲多少嚼餘密裹衣上絮馱去深藏
窠邊草晚霞絢豔照村明夾路雜花引歸程轆轤轉入柿林去掃葉共

炊仁里鯖

守窰詞

四章母賦兄弟四弟共守守門黨特典史巡夜見來之惟款一息土不黨

已與一頂刀使備

奉母臥破窰曲突而厚土突曲能障風土厚能遮雨窰邊兔絲子宛轉
不離根探供阿母睡兄弟左右蹲兄持汲水瓢弟持熱火鐸贈刀作守
衛賢哉此督郵阿母告兩兒弄刀莫傷手竟夜循刀環不敢按以拇

蒿廬哀

原弟三國曰蒿廬事也

灼灼東升日照我華表顛憶昔親闈在朝廚起炊煙蒸餅菲屋中韭卵
佐芳鮮祝哽餘幾日杳杳歸窮泉蚯蚓竊酒漿烏鵲銜紙錢痛哭當閤
絕墳草青如甍鳴乎兒在此一廬年復年勿迴長者車蒿萊森山阡勿
賜仁者粟禾黍繞墓田寄言供職者願追母也天

藥肆銘

原第六圖曰藥肆也親

大藥不煮內則惟經菽水捐椀乃理蓂苓閱爾藥肆畫像徽靈澤荀挺
牖陔蘭緝楹十笏閒敞二簋豐盈垂簾言孝刀圭佐罄願人父母千載
長生受茲元烝以壽以康

舉孝詩

原第七圖曰

涑水出黍葭谷至周陽侯城南合於洮其水清絕滔滔其人忠烈如母
邱鎮東乃在聞喜之近郊毋邱之里曰上邱村流風千古存忠孝非二
致國初趙子以孝聞爾時知縣王景皋盧士魁鄉先生曰楊永寧朱裴
此人皆不輕許可獨於趙子動其懷生孝死孝一身該士民罔不推二
公奏之天子天子曰俞哉嘉爾行其試爾才巡檢遼海敷政無乖鄉有
畫師徐臥雲七幅繪其真鄰有進士崔子高一傳具其文題詩作頌海

內紛至今披讀若有神嗚乎趙子信有神將何以答我士民宜隱佑其
子若孫俱爲孝行人毋邱山兮高入雲凍之水白石粼粼陵谷變遷仁
里永春

自題所作畫三首

折角烏巾掃塔衣攜書盡日坐苔磯年來奇字無人問山鎖空亭碧四
圍

曾聞福地有奇書可欲移家畫裏居爲報此中人語道瑯環不許俗人
租

花園亭子樹遮山一卷橫披晚晚間十載塵中牛馬走胸襟正不減荆
關

湖南宜章宋衡少好劍術里有邪教講堂不逞之徒聚焉或以

藥術迷里中兒取兒睛衛怒糾里人毀其堂互有殲者教徒
賄官名捕衛衛亡至黔中又念老母弱妹恐陷獄乃陰歸省
而捕者數百圍其宅衛孤劍轉鬪出威勇關卒無敢逼者事
既解繪仗劍入關出關二圖志其痛其同邑吳醉琴農部與
余善代爲索題乃各系以詩

鬼子何敢爾壯士有如此紫氣纏客星劍在身不死衝開一丸泥倒提
三尺水看君倭鐵刀正似鉛刀耳卻笑張儉弱望門便投止

右入關圖

若耶水淬赤堇英未許世間有不平千里攜來鬼夜哭十年礪出月失
明有客黔中丁窘蹙得君何敢呼君僕同歸爲揭廣柳車此去何須短
後服吳鉤一日飛著胸骨肉相逢此夜中霜刃三更躍出匣咫尺垣外

有伏戎愛絲縷縷一揮斷鬼火熒熒四而散山深月黑拔來看生死天
涯終結伴懸崖矗立天西南對插一雙不見鐔密箐森排嶺上下橫礪
十萬不能函大劍小劍威關下彼之劍多吾劍寡仗君膽氣無風鶴得
君尻輪有神馬君是何年鑄得成駢誅魍魎血花腥當關試一摩挲否
不信旄頭無隕星

右出關圖

贈家秋涓學博大兄八首錄四

蹄涔縈道周瀧瀧發繁響溟漲包洪纖無聲自決滌怪彼片長徒逢人
便技癢盡罄乃中藏量之得孟盎不辭北海笑仍詔西山爽惟君有若
無胸次巨川廣與人故無爭依然重名享寄言名子者渾湛學王和
倚劍望燕臺此中忽鬱塞駿骨何時無昭王不易得我昔乘一馬方噉

拚圓幣金絡玉連錢千里直瞬息官路野花紫長城邊月黑自愛汗血
姿不作驕嘶色頗欲持贈人無人有馬癖乃至疆梧年丁卯也遂入綠林
賊以此舉似君君亦應嘖嘖吾儕老樞下誰肯走南北

南園有一樹理堅而心赤實雖充筐筥身奈多棘刺北園有一樹天天
粲花紅旣以薦嘉果又以蔭清風主人將移植何者宜庭中謂棗實惡
木謂桃乃佳叢匪主人擯汝實汝自求擯誰遣草木姿而外具芒刃我
好面折人人益不相信君但微感人受者自無愠嗚乎我師君久久當
有進

青陽二三月微服游平康女兒皆春態三五自相將前者盤龍髻後者
墮馬妝朱櫻發豔曲玉筍弄清商娟娟秋水外有女蛾眉長上無金鈿
釵下無羅衣裳坐使深閨秀不如大道倡此語不忍道道之令君傷

題黃太守采芝圖八首錄四

代

現身真在此山中
莫莫歌成唱未終
角綺東園都不似
黃公只是夏黃公

君家舊有謝公墩
謝公墩
拂拂庭階蘭玉存
寄語逶迤深谷者
休疑此草本無根

金光餐罷壽齊天
天與名儒駐大年
自當陸家杞菊喫
不須謗道是神仙

南方草木有專書
百卉俱詳此品無
我欲親從高士問
九莖三秀狀何如

中秋對月有懷楊大篤蔚州喬八駿保安州

美人隔秋水
遙夜同月明
桂樹散仙馥
桑乾流客情
多文騰虎采
晚達

遲鴻聲何日捉刀手驚刀親薦腥

和陳小農計部秋晚元韵

殘陽忽西匿城市若疎林積雨將寒至停雲向夜深
鱗傾高士酒雁度故人琴有客孤鐙裏懷歸千里心

和許韵堂同年秋懷元韵二首

一往深情喚奈何非關薤露與陽阿馨香遠路誰能致
哀感中年頃已多不忿浮名消福盡更堪沈痼帶秋過
日來新得排愁法自唱曹公對酒歌

露坐淒清對月明空堂容易又三更短檠張夜雙魚訊
長笛橫秋一雁聲屠販亦侯漸術誤釣游有侶覺官輕
雄飛雌伏尋常事戒向人間號善鳴

DATE: 11/11/2011

毛

出塞行

射獵罄椎蜂

在勝
摩梭
惜峰
之在
上熱
孤河
石水
雲經
事注
臨云
國武
危列
城水
司東
高附
百歷
餘石
創國
節下
此因
蝦
榮

香與遼海同山間榛栗欲成叢名場熱客可憐蟲速去勿復溷乃公

寄秋湄蕭州志局二首

塞垣西望暮天青，昂畢分中見客星。晉乘落籬先志代，宋蘇州志史才根

柢在窮經孰齊環，極無雙品周禮公疏此直行山弟幾。涇郡國志兼耆舊

傳居然盡出子雲亭

邇來書體半多烘，君志宏州迥不同。唐書有劉知幾四庫同人表古今班固例

水詳西北鄜元功，剗苔寺墓碑痕綠。削藥衙齋燭影紅，此日重膺書局

寄勉求文筆。炮寒松唐書志乃云

送許韵堂南歸二首

三年米價貴長安，一日西風返故山。大好龜蒔龍鶴菜，垂虹亭下勸加

餐

風來北固翦江時，舴艋聲中鬢欲絲。今日重吟懷古句，青山巖巖佛狸

祠

君前古詩有北園工

鞠歌行四首

醉酒金臺下淚落心慘傷
易求惟昌國難得乃昭王
霸圖一例滔滔水東望棘城西樓桑
古人已矣傷春日歲歲薊邱春草長
意者燕市今猶有狗屠顧從痛飲擊劍去
不顧三十尙爲儒

吾昔年十二號爲千里駒
常思籀足青雲上豈有下民敢侮予
大來漸漸更事久忽復嗒然喪其耦
劍敵一人書記姓所箸只堪覆醬瓿
如此頭顱欲何爲祇應閉戶學雌守
嗚乎當時神駿姿豈意今成牛馬走
曳裾富人堂金多欲相役結客少年場
酒酣動遭叱至竟悠悠誰可親
憤極歸家自休息秋樹根頭日醉哦
眉宇高寒照空碧二八文婢氣如蘭
笑倚吟聲吹玉笛多謝二豪莫相輕
如此高韵不易得

久宦減兄產遠游廢父書僕本農家子何必懷此都拔刀斫柱誓歸去
求食不爭鵝與鶩身後名與身外事蹀躞十年被爾誤陸沈金馬門不
異蝨處禪念此世間無窮已中夜漣漣不能言

灤陽懷人詩十五首

經義羣推井大春誰因學富念官貧儀真悔識身齋晚

興與月子與齊生也者宰相胡應失此人

右廣文事為秋

清遠吳興代有人難將花草比精神君詩勝處君能道政似藤蕪冒雨

春

右臨濟許約堂學廉謙附孝廉生句

太史昔時在北邊驪歌送我杏花天

余王申春自熱河之西歸君歷時泣也邪

今秋重過銷魂處一讀君詩一黯然

右柳史金桂元

邊生經笥亦詩囊北曲悲歌慨以慷鶴子飛天羣雀寂不容凡鳥說文

雪虛聲堂詩鈔

卷二 白雲司

十三

章

君有任 歸北邊 齊竹 橫村 吹 諸 保 經

記得旗亭酒一瓢君家兄弟阿龍超而今悵悵南雲暮不見揚州阜英

橋

明右 寶 縣 君 臨 風 居 溫 州 外

夢裏同填雙豆詞碧雲箋紙界烏絲紙君 曰工 時 頗 自 製不知秦七與黃九

甚事關人日日思君有 炎 水 夏 諸 廣 小

雜詩風格自堂堂不著心源傍景陽莫問同銜杯酒未談君便覺齒生

香

右 君 榮 威 陳 小 農 戶 十 郎 福 樓

綺語禪心兩兩兼病中參徹首楞嚴君 病 中 從 余 諸 君 聽 唱 黃 金 縷 何

減瞿夷花笑拈

君有 仁 和 探 幽 花 比 諸 世 佐 之

具有淵源虔禮譜羌無故實子荆詩才名翻被書名掩誰見雨零秋草

時

右 寒 臨 驛 石

居貧特立士無雙
需次三吳文獻邦
但祝見聞皆第一
莫同楓落冷吳

江

右大安邑縣石輪

心香一瓣在停雲
楷法精能迴不羣
濯濯王恭春月柳
君書秀絕亦如

君

右太平萬縣石輪小

落落難逢笑口開
詩成何處著塵埃
寄聲當世中郎道
貌寢公孫有異

才

右大邑谷王純梓

嶽色湖南萬里青
焦桐長與弔湘靈
香蘭微笑紅泉咽
落落琴心正爾

馨

右宜都吳縣

翩翩公子著文聲
三絕居然一座傾
我似并州劉越石
悲涼萬緒念盧

生

右天津縣

楷法鷗波鬪筆姿
辱書常道欲相師
哀哉嘔出心肝後
猶據烏皮寫拙

雪齋聲堂詩沙

卷二 白雲司藥

十四

詩

右宜
於年
去結
年風
以燕
略上
舍錄
卒

自題所作畫

深林疊巘隱牛宮
略約彎環處處通
榭葉冷翻千嶂
溜稻花香颭一川
風魚龍捲水江翻白
燕雀穿雲日漏紅
聞道故園春不雨
聊將潑墨補天功

題畫

虛堂寂無人恐是王官谷
春盡不歸山竹柏爲誰綠

除夕感懷四首

又送殘冬去飄零尙客中
鐙花舊年似爆竹故鄉同
壯志星猶燦牢愁雪未融
春風無不到真見幾英雄

虛生三十歲自命竟何如
過慮乾坤大空談日月除
哀鴻中澤集異鳥

國門居無用成迂闊徒矜萬卷書

黔首紛溝壑蒼蒼意未休舟空輸粟國轍涸監河侯耗鬼鐙難照芳春
價不酬遙憐焚柏葉尙欲辟鴝鵒

宦情真魯酒才筆尙齊紈往事千般悔今宵五字安祭詩權作佛卜竈
不因官痛飲高歌意人生貴自寬

春幕得秋湄太原書卻寄

美人在雁門寄我一端綺春風吹我愁忽滿晉祠水晉祠春水綠沄沄
萬樹桃花粲錦雲長亭短亭一百五茅龍一夜度吟魂卻從天際路邂逅
雲中君月映羣帝珮風搖列仙裙紅尾小鳳臆語我使我手搢碧玉
稱外臣臣家赤野無春草麥苗桑葉青欲了往日膏腴比龍鱗卽今灼
裂成龜兆臣謹頓首伏俯私告帝旁玉女何不排除青雲撒白雨使我士

女前歌而後舞帝乃噓萬里之天風送我太行之西洪河之東鯨波百丈懸鑿寺羊腸九折銅鞮宮美人幽居怨瑤瑟明暎垂淚雙玉紅告我春欲盡寂寞無花叢臺貽之帝子藐姑射之神人赤豹雲軿日六簿屯膏不下愁吾民美人美人爾莫怨三十六帝余親見無須膜拜祝香花會有唾咳激竹箭君不聞唐祠峩峩晉水曲自昔能爲一方福若令羣黎靡子遺至今誰爲薦椒菊還君錦繡段持作荒年穀不用蓬首怨春歸行看夏雨生衆綠

和陳小農海淀二首元韵

數枝風柳曳殘鴉輦路今無迎輦花見說毅皇臨御日不耕宮道望官家

金源遺址屬吾清稗史流傳姑妄聽落日涼廕臺下望更無人放海東

青

再和陳小農海淀元韵

玉顏散盡剩寒鴉寥落宮中臨砌花
壞殿不修誰識得我朝恭儉足傳

家

壞道哀湍滿耳清行人掩泣不堪聽
玉華宮畔吟詩老悽絕陰房鬼火

青

陳小農三索和海淀元韵

畏吾村畔起昏鴉耶律墳前見野花
畢竟天心留有待五雲晴護帝王

家

先皇盛德契穆清工事垂成諫卽聽
今日工人猶感泣東陵歲歲哭冬

青

送梁曦初侍御出守興化二首

代

閩疆要郡簡名賢不比潮陽路八千一鶴有緣翔碧海百蠻無瘴翳青
天建蘭香裏詩龕寄諫草焚餘賈舶傳聞道吏民齊額手福星來處兆
豐年

蚤雨霏霏趁布颿海明如鏡鑒冰銜八閩遙望長安北二曲應知吾道

南

公爲臨高足詩

美政不將茶樹拔高懷豈爲荔支饑只餘桃李公門

下坐慣春風別不堪

祁子禾侍郎招祀顧亭林先生因囑繪顧祠雅集圖慨然有作
宣武城南慈仁寺鬱鬱雙松發寒翠西南偏有亭林祠壽陽侍郎董祀
事招集諸君作文游飲福不爲無名醉使我爲繪雅集圖圖成再拜更
題字有明中葉儒風陋學術無用叢詬誅高者盛傳姚江衣下者競樹

竟陵幟一二不學求舉者附會元鑑務制義亭林挺挺生東吳其出愈

晚學愈粹萬卷窮探古聖心諸陵偏灑逸民淚讐家任作葉方恆門生

肯伏錢謙益南冠猶是莊烈臣布衣不負貞孝志稱曰王佐曰經神未

必盡合先生意國朝蔚蔚盛儒林筆路簾縷功誰比往者吾鄉身齋老

排纂年譜豁蒙翳

生吾鄉
張石州先生

公家文端實倡首釀金共買十弓地

建祠於今三十年年年不廢上丁祭公也傳經若韋平未愧漢學一綫

寄賤子舉觴貢一言邇者吾晉學稍弊詩書既多束高閣文章頗似飾

聲悅青主匪我復何人

先生曲
傅先生
曾先生
山曲
道沃
義斯

恐難再迴高人轡迤西

更有潛邱祠聞此語者愈生悲惟願公及我同人益倡實學迴風氣勿

令枵腹談經徒濫廁國家春秋試亭林先生如有靈歆茲丹誠庶一至

下第綺感八首

淡粉樓頭明嬾姿一回覲面一回癡亦非太上忘情者難得相逢未嫁
時到藥染黃終是苦撈蓮作寸轉多絲分明十二巫峰近矜護朝雲到
反遲

林風何意落平康低首羞爲時世妝拾李從知兒命苦食瓜那得我心
涼微波爾果通辭好永晝誰教惹恨長畢竟鳴鳩佻巧甚終朝只會妬
鴛鴦

更比黃花瘦幾多無言脈脈意如何遲來常帶翩跹韻早嫁難同捉搦
歌但使情深南浦碧未妨計拙北山羅秋霖腹疾誰排遣只合寬胸代
按摩

深顰淺笑吐愁難軟語喁喁夜欲闌交甫逢仙原是夢周郎作壻詎爲
歡久拚眉黛雙彎秀剩有腰圍一尺寬如此精神如此地好花無語遣

誰看

嫋嫋風前弱柳腰春寒無力曳生綃癡情每欲窺眉曲莊語何緣暈臉
潮扇葉日遮黃子影鬢花天助白人嬌誰憐聖筭三更卜半穗旂檀迄
不消

滴粉按酥出意新妝成自訝十分春門前桐樹惟吾子核裏桃瓢少別
人車走雷聲終自去杯邀月影欲誰親鸛鸛飛過真堪羨碧海青天共
一身

邇來禪榻學維摩黯黯春愁懺益多當日蕭郎成陌路明年織女隔天
河誰憐有口銜碑石自誓無心起井波回首前塵成底事蒼茫獨唱悞
儂歌

月過中秋迄不圓誰將離恨作遙天仙
人下嫁終成別主簿爲媒詎有

緣素鞵難諧蒲子履青衫悔遇荻花船涼宵獨誦湘纍賦猶道他人愧我先

邊拙存兄見示秋雨夜話之作次韵書懷

淒風涼雨聳吟魂讀徹離騷眼不昏
鐙滅恥爭山鬼照詩清擬配水仙尊
已捐秋扇仍揮塵盡典春衣且曝禪
爲問候蟲終夜語欲將哀怨向誰論

世情翻覆日爲新米貴長安孰贈困
冰似頭銜留故我銅成面具向何人
庚寅紉佩芳招忌丁卯貪書讀致貧
聞道今秋稍有熟兒童拍手望歸輪

歸輪

宋王時和詩此

再疊前韵送令弟竹潭同年改官浙巖

壯懷最恥賦銷魂百幅蒲懸海月昏
破浪方酬豪士願看山未覺上官

尊客囊羞澀書爲枕公廨蕭條屋作禪似此襟期何處得升沈後事不須論

葛嶺蘇堤景物新公餘詩膽尙輪囷簡書藏袖思名父謂石稼先人生方始鹽鐵持籌得士人一棹藕紅宜客泛半齋茄紫耐官貧春明門外天涯路行矣風波慎畫輪

有懷雨夜

半榻維摩病榻觸秋宵雨嗟我懷故人蕭寥知何處箸書蚤蝨叢飢來字難煮舍旃諸君子嘔血終何補兀坐秋樹根寂寞松枝塵何如酒滿瓢相賭作危語顧影客衣單寒逼鐙一黍開門聽履聲秋氣滿平楚

懷舊

結習從來喜論文窮途何意復離羣阮生一掬英雄淚日向長空灑碧

雲

題常小軒庶常所藏歐陽九成宮醴泉銘

有引

初唐人正書信本第一信本書醴泉銘第一昔人稱草裏驚蛇雲間
電發森森若武庫矛戟者殊未盡其妙予嘗謂正如郭河陽界畫樓
閣纖微合度了無安排庶爲近之此本文氏停雲館故物又歸煦齋
相國藏弄定爲宋元間麤蠟正不在宮字左捺點僞而豎真也至題
名王良常沈子大諸人並是惡札而行間朱圈桑桑似亦此人所爲
急覓良工洗去重加裝池乃稱耳昔唐彥猷得化度塔銘數行精思
學之遂以名世矧吾小軒旣以工書更銳志臨此鬱珠黍羅界豈遠
哉可憲之至作詩張之

勃海甲觀推醴泉良工蟬翼妙椎麤墨王曾記歸文壁鼻祖安知出李

璇此冊原無肥本相君家合得指頭禪能書萬遍牋生手豈讓蘭臺得
髓全

外姑李母杜太孺人壽詩

正月初九日

往日牽絲繡幕前左家嬌女小偏憐壻鄉原自慚潘岳子舍新來有鄭
虔老福無煩封大國芳春正好在斜川一杯持祝人長健歲歲慈雲照
綺筵

新年共拜水仙王似此神明合壽康大練裁衣留後福小輿推板趁春
陽女同德曜隨春庶兒嗣宣文主講堂獨有金龜京邸壻慚無長物佐
瑤觴

雪虛聲堂詩鈔卷二終

并垣皋比集
王辛
午巳

壬午
午巳

雪虛聲堂詩鈔卷三

聞喜 楊深秀漪春甫

題馮魯川廉訪所藏米芾蕪湖縣學記爲武養齋大令作

老顛潔癖深祭裳滌藻火想其俊逸情禮法無一可何意仍書學宮碑
天馬能教羈勒施蛇驚電發不可狀鳳泊雲紛信有之蕪湖月皎硯山
潔一刻揮成八尺碣放衙脫帽踞胡牀正對石兄矜奇絕代州廉訪有
拓本滿紙糾蟠見春蚓可憐墨寶易朝餐仍似黃金擲虛牝君今何處
得此書莫令淚滴玉蟾蜍

題成哲親王雜臨諸帖七首爲養齋大令作

烏絲滿冊總成闌
算子連行妙染翰
鳳尤龍芝天挺秀
不教專美有紅

蘭
蘭前
芝輩
人云
同成
不耶
可寄
多知
得風
成

雪虛聲堂詩鈔

卷三 手書卷目録

中郎漢法散如煙太傅新工勸進箋小楷羣誇宣示帖爭堪斌媚敵孫

權

宣示帖

俗書姿媚一生多只合山陰換白鷺不藉邯鄲黃絹筆可能葩豔似曹

娥

曹娥碑

春松秋菊靚風姿想見桃根侍硯時僥倖佳人能再得九行先出四行

隨

神以王三行

道德黃庭蹟已微重聞貴主寫靈飛鍾生秀骨姍姍甚合被僊人一品

衣

鍾繇

並世定文曹與楊戲鴻書法亦堂堂文人知己千秋事何意君家愛晚

香

檀香與楊戲鴻書

帝子揮毫雅甚都何緣行押出奴書璽螭折角琴焦尾未礙人間異寶

儲如履何故行其說而欲其甚也

題英煦齋相國所刻劉文清帖爲養齋大令作

東武老子工執筆法徹中邊類石蜜龍保貽留地黃方

地編王夫大令

風須

磐礪天香室

深公處乃密榜曰天香

紋裂大龜兆庚庚體結靈蛇珠乙乙小

章似慕汪水雲

水公處有印士

大字頗同蘇玉局世上沾丐脚汗人慎莫近

前討奴叱

壽王遐舉先生

八正月初

先生汪汪千頃波聞道最早讀書多寔事恆被儒者服寤言永矢碩人
邁我從髫髻應郡試高名震耳鼓靈鼉同時雖見大人賦異縣其如飲
馬歌見說先生春官捷射策獨對金鑾坡一官大似因人授武庫森嚴
富矛戈爾時才傑萃帝里海曲之許道州何壽陽代郡泊平定并州男

子無嬋娶一一忘年似孔繭日攜樽酒往煙蘿先生此時飲一石手提
松枝口懸河訓故槩槩有深細形聲鑿鑿無偏頗日暮詩成新月上半
天霞綺綯纖蛾得句西山秋氣爽談經東魯春風和十載不遷細事耳
頭童齒叕顏常酖緊我計偕走京國已聞歸山事養病褻裏儀徵履道
宅

先生遠在京宅

緬望真予安樂窩

主講自安邑安區也

往歲假歸省親串

始見君子賦菁莪豬肝雖貴體不憊貂蟬既脫冠仍峩湘鄉宮保好賢
切欽仰高風設禮羅文獻百年書局啟雲山千里蒲輪過遠溯虞夏近
昭代南盡汾洮北庫沱此邦人地歸述作析疑舉要獨小荀黃鐘大呂
噌吰響不遺下里與陽阿何意寡陋如賤子亦蒙獎借少譴訶折楮教
畫新距度剋苦俾識古隸蝌經史大義駢雲集挑鐙危坐紛縷觀孟陬
之月皇覽揆朱顏粲粲鬢皤皤占書古重八日穀典禮今逢九門僂弱

孫戲乘阿爺笏侍史深護進士鞵藹藹門生通家子鏘鏘佩玉鳴相摩
或羨仙服金光草或稱鳳食玉山禾或引大夫賜鳩杖或祝老人處雞
窠賤子舉觴貢一言古來大師壽不磨桓子五更榮何極伏生九旬語
無訛矧乃吾鄉諸老後應遺一老獨委蛇孔林之檜葛廟柏森森千古
無改柯吾晉尙留漢槐古如見林宗有道科喬木賢人同大耋養生安
問郭橐駝永爲人倫作楷式詎曰將壽補蹉跎晉祠碧流斜川似歲歲
稱觴舞婆娑

外姑杜太孺人三周禪祭令嗣製屏索詩擬垂家範內子亦寄
書代乞因案來狀件繫之得截句十四首

分明小女嫁黔婁射雉曾非賈大夫慚愧升堂初拜母蒙稱快壻比周
瑜

門第城南尺五天身傳禮法自笄年林風閨秀均無愧卻恨今無中壘

編登人志事列女前年已

屑邊櫻顙額梅花粧點燕支未足誇異相天昭貞白性腳心生帶守宮

砂案相來足狀心說如人跡有

父亡親手納珠含母老終身供脰甘五女尤推中女孝倉公何必羨生

男婦三人也父無父子有五女其力其

鳩遭婦逐竟無歸雞遇牝晨尤有威每代仲喈憐故伯不妨桓婦送新

衣出是於外明不取之婦人每具衣遠之至

常爲前女繡腰襦肯使衣中絮有蘆翻笑杜家親母女女衣顙倒補天

吳諱之人其助至前室不知爲女情則也

寇來逃竄死如麻獨議嬰城靜不譁古有夫人城守者保全何翅萬人

家死或於豐家與會正學死遂於區野境也地既守遇不者出甚誠竟國以人無誠有國人可謂守志者

金保

老人痿憊處窠雞日飲雙眉舉梳齊絕似宣王風痺發躬親執爨有賢

妻有丁即拾瓦數月明衣不結得與事之人者

螟蛉藉得慰幽憂卵翼兼為賦好逑寡婦孤兒仍一脈不同牽合自三

州從孫安娶和婦居無子同父居又曾孫安少孫亦無為後娶婦人

荒年閉糴正紛紜升斗尋常孰肯分教子麥舟與戚友婦人中有范希

文光緒人捐丁服丑成友實金活大者國人來相食

儒俠分途孰是非攻書習射代弦韋豈望生兒為將相兩男聊抵尹翁

歸川蜀人射命曰武其附江觀營之次注君也

教子詩書勸母餐廣文清福得來難敬兒妻夢全身熱那解令兒作冷

官

聞人
此人
享譽
數萬
子君
足聞
矣打
爾日
打漢
今豈
就必
職望
大官
惠教
也職
清

盤白辛勤到外孫梳頭剪蚤總蒙恩癡兒睡醒啼雙下猶有桃花顰面痕

三年歲月白駒馳日代聞人念母儀我似閒居潘騎省每懷東武有餘思

母舅劉公計至云臨終哭念余也泣作

社
武
生月

吾母儀容記不明典型今復喪同生文傳家法偏能武貧得人心只積誠道洽庚桑千戶祝患除周處一鄉清
有勇
結以
於解臨終兒女當前侍獨望并垣念外甥

哭衛莊游學博

曲沃衛莊游與余投分十年所作藝室經譯余一一親見屬草稿時

獨時人道其狂詭余所未覩歲丁丑湘鄉宮保延主金石志局家秋
涓學博兄既婉辭余竟未至君之狂名乃愈噪於茲時矣一官慮厲
塊然遂死故人酸楚知復何言

積雨空階五月寒思君生世倍沈瀾獎成後輩翻招謗瞪視中丞屢見
寬磊塊填胸增病易文章糊口矯廉難涼宵獨檢當時札字字分明不
忍看

鵬集臬鳴覺不祥少微真已失光芒賣文金到多仍盡使酒名成醒亦
狂舊羨青氍歎福薄新亡碧玉竟神傷以君
廢編
離人
新稿
亡稿戢棺何日能歸去
麥飯香花冷署涼

擬何大復明月篇

有序

夫歌行之製原於樂府心聲綺靡斯歌喉渺綿故自魏帝燕歌晉人

白紵庾子山之折柳盧子行之聽蟬斯並清便婉轉乃唐初王楊盧

賂之權輿也若夫鮑明遠之路難

中行且難明遠詩

太白師其俊逸斛

律金之敕勒裕之歎其英雄一則才人下位抒感慨而擊唾壺一則
老將窮邊唱橫吹而答鸞栗杜子美一生歌行與此貌異神似間不
盡似要於四子者不似也是則身際其變不期而成變徵之聲矣明
信陽何景明仲默與李獻吉並世大名獻吉專學少陵仲默暇日乃
獨有意於四子者之所爲選聲練色作爲明月篇雖至今代新城王
文簡長洲沈文愷皆極稱之以爲妙悟從天矣僕聞士衡文采乃廣
蘇李之篇康樂風流徧撰曹劉之體矧四子者杜老所謂江河萬古
而可廢乎閒亦效作一首不敢顯然附於四子姑於仲默執竊比之
義焉亦題曰明月篇從其朔也

長安月皎皎出雲端千門萬戶凝秋碧五劇三條蕩夜寒寒生白玉宇
光汎黃金闕觚棱花隱望猶迷輦路草生芳未歇觚棱輦路月蟬聯天
上今宵是何年鬱鬱九霄偏燦爛迢迢千里共嬋娟戚里豪情飛羽蓋
宮人細語炷龍涎梁家畫閣金流甃趙后文窗玉疊錢畫閣文窗帷半
捲金樽綺席鐙初翦正見酒人著接離如聞園客彈獨繭長堤楊柳未
藏烏小院芙蓉猶吠犬笛裏關山怨別離樓頭河漢望清淺別有倡家
花滿蹊人圓如月正雙栖光搖銀掠妝初罷色晃綠裙舞乍低誓作生
生比翼鳥厭聞腸腸長鳴雞長看錦帳千金笑那記璇閨雙玉啼閨人
啼徹董嬌嬌戎客長隨霍嫖姚幽恨萬千看破鏡涼宵三五念征袍卻
從舍北聞砧杵未識遼西認斗杓白草牛羊君夢遠黃蘆鴻雁妾心勞
黃蘆白草邊亭見佳蕙崇蘭官閣綯關門柳色已經霜禁籞花林正如

霰草綠螢飛長信門葉黃蟬噪未央殿秦宮怨女卷羅衣漢代婕妤好賦
紈扇紈扇年年捐素秋一輪皓月幾時休鳳闕偏塗雲母粉龍宮高捧
水精毬齊捲蒜簾臨鏡閣仍雕瓜瓣拜鍼樓織女隔河終有耦嫦娥廣
殿竟無僂借問嫦娥若爲心青天碧海冷誰禁盛年迅似東流水良夜
珍如南土金旅人紫陌玩桂魄思婦紅閨念藥礪歸去來計已審我心
如醉不關飲直將喜字寫如環莫令回文織成錦月明似錦圓似環應
照離人雙解顏胡麻飯好須先種叢桂花開正滿山

題吳道子畫佛像幀

舊在大興寺今亡矣明
王所題

皇覺真人統天紀薩迦思巴西北徒手裂輿圖王諸男三男曰桐分參
觜中朝有詔賜高僧道場無遮薦皇妣崇善古剎城東偏素車白馬王
來止特頒佛像招提中天龍八部大歡喜誰能如許出神奇云是前輩

吳道子妙湛總持三世尊圓融無漏兩大士健連尊者橫大目菩提長者老無齒青螺髻子旋頂光紫金卽字沁肌理如聞獅吼震動聲法界繽紛雨香藥吳生畫筆蓋有神謝赫姚最那堪比元精直貫雀明王餘力猶勝龍眠李大李將軍王右丞南北分宗寫山水若令寫作如來像正恐莊嚴未及此自唐迄明八百年金剛呵護靈無已玉爐恆受旃檀香錦暉仍裝藏經紙我聞道子水陸圖今在平陽廢寺裏康熙詩人王西樵曾賦長歌盛稱美胡爲崇善訪此幀寺僧謝云已亡矣闕氛昔到晉陽城竟隨藩府同銷毀噫哉有明三百載恆與沙門作緣起北固和尚竟能兵西山老佛疑未死晚有隆慶李太后喚作菩薩競奇詭只餘一幅九蓮像供養長椿壞殿址唐賢妙蹟尙雲煙此像雖存安可恃不如太原鐵彌勒劫火茶毗終不燬何況一頌鐫墨王清河房璘妻高氏

前題乃王鼎丞觀察課試之題聞意主論畫再擬示諸生

曹顧陸張日已遠畫家一脈遞盛唐將軍金碧格明麗右丞水石氣清
蒼曹霸韓幹貌人物猶遜吳生遠擅場蜀江千山揮殿壁洛廟五聖繪
宮牆既工天尊復工佛彈指華嚴無盡藏如來趺坐師子座阿難迦葉
侍其旁正眼慧運青蓮色舒臂神耀紫金光手輪海印胸已字廣長說
法聽琅琅三十二相妙俱足千百五衆肅成行文殊師利合掌白憍陳
阿若兩眉長一切無漏阿羅漢雷音海潮震十方下列比丘優婆塞龍
王鬼王夜叉王靈鷲森森上下顧怖鴿翻翻左右翔雨散萬花貝多樹
煙飄千穗旃檀香八流環繞水功德五色迷離雲吉祥觀者如生極樂
界歡喜讚歎不可當奇哉前輩真能事不知幾日方成章晉中佛畫凡
二本一在平陽一晉陽習聞崇善老僧說賜出明代晉王櫪非徒妙蹟

酌古德實爲冥福資高皇身居人上崇佛事北有姚秦南蕭梁此舉瑣
事無足論此畫絕作試評量筆底精心通道妙篇終元氣接混茫直與
菩薩爭慧業那能弟子傳芬芳衣鉢千年得髓少宋惟伯時元子昂十
洲祕戲劇藝瀆兩峰鬼趣太披猖便有老蓮青蚓輩每畫盜魁志亦荒
陳平可知古人誠難及初時命意已堂堂神品不知今何在能購
何惜千金償非學沙門瓣香供只同宋殿古錦裝得暇有緣開玉躔歷
劫不壞同金剛

衛靜瀾中丞課試晉陽書院有晉中景物四題擬示諸生各二
首

三門激浪

陳平

莽莽黃流萬里奔龍門甫過又三門桃花春漲殘冰裂瓜蔓秋縈孤月

翻輪坂浪淘虞虢去漕倉址溯漢唐存於今盛世陽侯靖古治何須勇
斷鼉

河流東注劃乾坤闔闔天開日月昏石裂黃熊神禹鑿濤驅白馬巨靈
奔洪波廣受千川注砥柱孤撐三晉尊天下巨觀何所似臨江鼉赭庶
同論

五臺連雲

遊在
莊五

法王趺印偏中臺杖策登臨實壯哉光擁佛頭山北向法流龍頰水西
來六時梵唄禪堂課百寶輪將屬國財自古清涼稱聖境舊葡今日幾
花開

佛月光華澹不搖曼殊聖境臨層霄千年古雪明馳道百尺飛虹現彩
橋紺宇花園龍象吼陰崖松擁鬼神朝宵來恍夢稱檀越煙穗三生迄

未消

冽石寒泉

曲在蘇州

知是人間第幾泉
松根草際日濺濺
崖開石罅千珠迸
井受天光一鏡圓
廉讓終依鳴犢廟
神靈遙合起龍淵
管涔神劍殊多事
獨守清冷不計年

遠望雲根點數星
近尋山脚一泓渟
懸流瀑曳千條練
落井風搖九子鈴
側石熊蹲披碧蘚
圓波魚唼破青萍
何當謝棄人間世
漱齒晨繙貝葉經

蕊羅春色

曲在蘇州

蕊羅孤秀峴峴東
山隔城闌入望雄
芳草仍沿隋道綠
桃花直接晉祠紅
酒旗蝸屋三春雨
油壁羊車九陌風
莫向游人談險塞
霸圖銷歇禁

煙中

峰攢嫩蕊研輕羅大好嵐光浸黛螺萬竈煙清寒食節千村鼓間太平
歌聽鷓鴣花底紅飛檣叱犢秧邊綠上蓑卜築秀容良不遠繫舟山下素
心多

題馮習三廣文詩集令息佩芸夫人婉琳屬題也四首

亡友琳洪適

文淵堂今藏於人

寒山秋水各成家又見枯梅盡著花

知集巾

七葉人人俱有集方知大樹

富奇葩

代北詞人盛道光魯川詩筆獨堂堂官階雖遜才名並馬磨甯輸許子
將

六十論詩工別裁老來技癢語無乖

集巾有詩

留將玉尺傳誰子合

有衡量天下孩

上言昭容天生顯月日問曰

磨笄石畔女郎祠閨秀而今又在茲浪說山陰嘆然子

王季重思任子女

幾聞傳得乃翁詩

武養齋借得宋揭婁壽碑雙鉤見示因題四首

題額元儒作易名東都處士善蜚聲文中貞曜紛紜起作俑誰知在憲

平

之顯始文元範先生此漢碑以處士而有私意

三世顏嚴蔑以加春秋家學薄浮誇征南未出劉歆死貧士應歸賣餅

家

彷彿鷗波小印存

此本末有印

斯人詎解隱衡門

時中門有題

倘能微學元

儒節何愧天潢安僖孫

祠堂徧畫忠賢像

武鑑刻

石室全雕祥瑞圖

武氏石室

持此雙鉤填廓

筆何妨盡搨武家書

養齋因余詩故盡撫祥瑞及畫像爲跋長句

漢碑多者惟孔林其次吾楊及武氏武宅山頭斷碣紛開明榮班世濟
美石室瑞圖文吉祥祠堂古賢畫奇詭一礎別存榛莽中題作宣聖見
老子此闕直錢十五萬孝子用以享考妣因是頗笑南北朝競造佛像
結歡喜先漢去古良非遙法物堂堂宜難毀仙吏嗜奇勤搜爬盡滙家
碣萃一紙敝帚猶然享千金此本萬金更不止

擬杜秋興五首

補方伯
士題

西風瑟瑟動南天每望京華一泫然白髮江湖三戍雪素秋雲物五陵
煙招魂乍覩楓林落作客長看菊蕊妍暮色蕭森巴子國山城雉堞此
何年

支離一病臥夔關萬里風塵兩鬢斑亂石草深魚復浦殘陽樹隱麝香
山百年戎馬天方燧三峽吟猿夜未闌永憶中書簪筆日縱橫老淚獨
潸潸。

曲江一曲草如煙皓齒青蛾記滿船楊柳高樓春旆旄芙蓉小院月嬋
娟孤臣去國天心醉老病依人地主賢屈指少年歌舞侶隱囊紗帽幾
翩跹

始皇當日鑿昆明高駕戈船治水兵金狄千秋依北闕橐駝一夜滿西
京青槐夾道羣嘶馬紅藕飄波尙拂鯨畢竟秦中王氣在無須哀感賦
蘭成

驪宮佳氣接終南樹裏皇陂浸紫嵐丹鳳東來阿母輦青牛西駐聖人
驂和詩左掖宵鐙朗賜酺昆明春酒酣今日溪蠻同濯跡髭鬚密簪兩

銘

景龍觀鐘銘歌爲養齋大令作

玉匣繭紙入昭陵雉奴潦倒書品能老狐瘦金亦奇絕生兒不愧祖武
繩相王飛白曾一見太子誰云僊可昇立意止媚控鶴監誓說無識到
今稱我云鐘銘推第一隸法入楷媚藏棱縮頭體乃如春蚓入骨筋尤
比秋鴈中宗崇道作宮觀悅婦勿乃類裂繒及帝卽位尤嘖嘖踵事更
復有所增當時黃氣生爐繡至今綠繡隱峻嶒金器出土世所貴狻猊
鏡子雁足鐙況此大鐘應無射鯨工龜匠共作朋正書三百古秀絕蒲
牢聲發龍氣騰四欒法天乳象地地平天成聖主興帝之鑄鐘豈解此
女謁宮室坐相仍摩挲此本三歎息聽鐘思武非所勝只合案頭作文
翫尋常一紙剡谿藤

題歐陽詢虞恭公碑爲毛寔生學博作

武庫矛戟顯森森信本正書字千金醴泉化度並奇絕妙蹟第一溫大
臨行行不肯排算子筆筆正欲度金鍼羚羊挂角迹雖滅驚蛇入草法
可尋君從何處得此本氈椎歲久墨光沈翻雕未被曾滋蕙未有印裝

池原出梁蕉林

前自真定印

金壇王氏書名盛始知從此入法深王中書

印

諦觀神物久聘胎舌橋不下口欲瘖邇來館閣成結習規撫勃海稱

宜今側豔合上金陵腿剛態誰識鐵石心聞君工書富藏弄近有韭花
遠來禽既得妙搨能寶貴莫令煤尾坐生蟬他時得髓可名世豈止蘭
臺稱嗣音一鐙青熒題詩罷黍羅世界夜橫參

游恆山詩

擬謝靈運詩

是日澄霽引望神尖陽林耀葩陰岡停素此心飄然已在山

麓矣

恒山見唐又名神地志

曰余樂青山積載成淹滯解組期轉迴披圖志逾銳巖巖紫岳峰陁峴
構靈慧嶺拔摩蒼穹巖列朝黑帝仙者闕清都隱淪駐末契丹房疊紅
鷺銅磴散芳蕙夢游緬無像翹望陰霾霽異花媚人外古雪劃天際增
嶂排修鱗羣松櫛雲鬢懷新料多奇鼓勇攬大勢杖策裹餽糧明發謝
再計

言入雲路陟琴臺昔有二鶴化爲美人舞斯臺上已而拊落
霞之琴歌清吳春波之曲四崖響答山廬水深

謝公足佳游宗生秉微尙嶽圖既歷四展齒仍餘兩茲辰嘯侶儔高興
追天放日出空翠明千霞非一狀竹疎繫馬進苔滑連臂上數武陟琴
臺萬巘環青障緬昔操縵人天際動高唱理深泉欲凝聲遠雲如漲並

嘯青鸞吟初迴白鶴舫斯人已千秋餘韵留丹嶂神女化鶴歸兩忘人禽相莞爾語山靈灑然齊得喪

翠雪亭下萬松翳礪虎峰風至颯然而已

徑仄誠知勞谿迴未覺遠鬱鬱碧松林橫掩石梯斷挽鏤陟增巔菌開張如繖蒼耳鋪坐茵綠荷解包飯澗溜寒漱齒餐餘稍僵蹇午際涼颯生萬松仰復偃碧雲渟不流翠蓋紛欲踈方夏白袷單未雨黃塵散五粒拾花香千鍼摘葉短中峰勇欲登斜景戀忘返坐久乘夕涼松下躡鹿瞳

嶽廟北崖壁立萬仞鑿石架木構樓崖半是曰懸空精舍

蜃樓事匪經貝闕語多襲誰信華構奇無根空際集維茲懸空寺經始由孰葺畫棟樹杪橫丹梯石罅入翹頸欄如危蹋臂級堪拾窗戶摘星

明衣裳蒸霧溼高鳥迷俯瞰真宰接平揖九煙羅南州五雲攬京邑大
哉造化偉神尖古巖岌臥游世轉低高唱天通吸煙望典久訛朔巡瑞
此輯昔事陶成空佛舍乘空立

倣元遺山論詩絕句五十首

右卷八山人

鎮東忠義欲匡時一表魂飛司馬師記得嘉詩酬杜鰲哀鳴鳳鳥繫人

思

思母玄昭錄有所思語杜鰲詩曰思中語也

蟲魚注罷薄雕蟲不道游仙語倍工經術湛深詩雋上千秋只見郭河

東

東坡

磊落英多數子荆無妨惡劇學驢鳴若論零雨被秋草百鳥喧時鶴一

聲

楚孫

蘭亭墨妙筆尤工互古無人與角雄誰識永和修禊日先詩後序有興

公
韓孫

百升明月劇英雄健將能詩有乃公敕勒牛羊千古調南朝競病恐難

同
金斛律

女郎莅靚太紛紜豔到齊梁詩可焚絕代高情柳文暢亭皋木葉下秋

雲
傅朗

魏收工賦傲溫邢只有中書賦豁情不意恃才驚蛺蝶能令對酒憶公

榮
論發伯茂詩曰伯茂自想紛玄情賦對其酒工思公後魏收

裴佗文季六男兒酬答徐陵有讓之爲誦五郎公讎作誰云不及乃兄

詩
訥我之韻之

雁後花前名士題吟成昔昔恨長齋微辭自是噴魚藻佳句空云妬燕

泥
齊譚道

唐初將相盡門牆有弟偏思隱醉鄉餘事作詩猶矯矯東皋集合冠三

唐

殷王

閒雲潭影詠滕王綺麗獨先盧駱楊水府效靈消受得一帆風送到南

昌

勃王

鸚鵡須令振翼雙宗臣一語定家邦賦詩摩厲鄒丹刃何事今猶刻石

淙

伏仁

錦袍應詔幾人工少保詩篇獨古風一首陝郊留異日尙能傾倒浣花

翁

稹

翠華春幸到昆明一代才歸女子衡至竟夜珠明月語精神十倍沈雲

卿

宋之

魂如厲鬼髭如神聞笛高吟虜馬屯萬古睢陽城下路陣雲邊月不成

春

經法

詩中有畫調無絃學佛真宜住輞川解識維摩祖師語漁洋殊得指頭

禪

補王

幾篇宮怨韻條條不讓青蓮獨自超今日太行嵐翠滿茆亭花影憶龍

標

補王 昌

藍田游侶秀才名綠野詩懷聖相清畢竟營鄉多作者又聞觴詠峴山

亭

幾有值 峴山 幾度 詠 又 幾

春風不度玉門關雋絕三唐誰可攀千古豔稱紅袖拂爭如絕句唱雙

鬢

補王 之

元凱從來作美談多才不僅號多男誰知秀氣河汾聚兩見王家珠樹

三

王 之 勃 兄 弟 及

潯潯河流入斷山山河兩戒此迴環
朗吟鶴鵲樓頭句逸氣飄飄天地

問

‘空想’

誰妄言之誰妄聽故將韋柳兩相形漁洋不識唐靈運眞賞終輸野史

亭

注
云
柳元
柳
州
宋
棋元
之道
山
魏
區

鄙論從來出腐儒頗嫌白傅負姑蘇懷民憶妓衡多寡曾見香山樂府

無

易白
粉

生紙紅描金鳳凰太平萬歲頌吾皇宮詞百首誰堪比合與仲初稱二

王

第五

鵲喜蟲吟格律高邊情更賦寄征袍回刀翦破澄江色佳句真將掩法

曹

此後

早聞一箭取聊城老去逢人說項生古有齒牙鑿孔顛憐才同此發丹

誠源快巨

輕薄嗤人太踟躕金茎浮豔玉谿徙千年論定功臣在顧秀野同程午

橋李溫南庭臨焉

耿渚秋風動禾黍盧綸大雪滿弓刀兩君同出河中產筆挾洪河萬丈

濤蘇軾綸傳

墜笏朝堂僞失儀吟成廿四品尤奇王官谷裏唐遺老總結唐家一代

詩司空

可憐元載負賢妻大似歐陽與介溪何物胡椒八百石遂忘掃路兩相

攜元稹駸駸寒迹大又原王述豈乎入詩四語

約指銀鉤彈落雁搔頭寶髻詠佳人漫因綺語輕溫潞著手能成天下

春文彦博詩次句馬光祖公詞

雪虛聲堂詩鈔

卷三 井垣泉比集

十六

禿節蘇卿五字工堅貞司馬頗相同遺詩弁冕南冠首不愧忠清涑水

風

明馬授朴以終元朴字聞文學州鳳陽人南文冠五雅人以使朴為首不

皓首丹心佩強名豐公氣壯本神清杏花吹盡東風緊何減梅花賦廣

平

贈趙

邱濬猶容桑悅妄雷淵卻忌李汾能館中猶有李欽叔屈宋衙官總不

勝

明李獻龍李

南山翁後得雲卿京叔歸潛老更成獨孕恆山千古秀史裁詩品一家

清

劉曾孫及新孫從

太原常與合河劉數歲齊名麻九疇五字詩成天鰲發神童何意萃并

州

常遇光四歲詩云我有一卷經不用筆寫成偶聞公外解人

繫舟山上探薇餐野史亭中削竹看三百年無此作矣閒閒公外解人

難元許

郝氏文章接祖孫裕之師友互淵源科名何似詩名重試問陵川七狀

元及孫天經

范揭虞楊何足論豪如太白麗如溫中州萬古英雄氣又產才人薩雁

門拉顯

立誠仍不廢修辭盡識文清百世師誰見河東三鳳集晉溪虎谷白巖

詩晉王度曰又王象三風

巢雲文谷並清新四海論交謝茂秦愧殺登壇王李輩名成不認眇山

人孔興天邦九奇

真山奇古壽髭工綽有太原王霸風父子齊雄四家選霜紅知己在丹

楓傳戴山延及族子

漁洋聲望盛康熙進御常同午壁詩聖祖知深頻下詔積詞累句幾能

窺陳即廷中語

金鵝館集本無瑕苦被河間誚柳菴品隋終推秋谷切蓮洋詩格如蓮

花吳花語爲柳記文通謂山澤詩批

玉崑崙碎爲檀超韻比阿龍舊句調多少長安苦吟客平陽蔣五擅詩

瓢河仁

汾水綿山二妙存何劉佳句動隨園風流更有張風子細雨騎驢度劍

門何道生題詩爲陰五張風子題道園改

天南萬里失勞臣閭裏能宣撫字仁傳得午橋詩一脈女公子與少夫

人張有詩爲中興南巡御之任所入與詩

四山人後一容齋衣鉢流傳竟有涯豔雪樓中師友盛松溪荔浦總清

佳

介休四山人及新倫常子厚

經生詩調每鉤轉老學工吟得石州死擬青蠅爲弔客一人知己射鵰

樓

張翥
石州林氏晉射鵰樓

雪虛聲堂詩鈔卷三終